

M537: Christherre-Chronik

- 0,1 CRift h̄rekeiferūballe craft
0,2 Voit himelischerh̄ſcraft
0,3 Gotkunic ūb̄ allir ēgel h̄
0,4 Dir dienit gar an alle wer
0,5 Swaz in ſinem namen ie
0,6 Gefchepfethe eigenschaft entphie
0,7 Du biſt in der gewalde din
0,8 Der vnuorloſchen funnen ſchin
0,9 Der im̄ne lebende ane endes czit
0,10 Lichtaller lichte ſchine git
0,11 Got einiger vnd drier
0,12 Vnuorkertirwandeles vrier
0,13 In derheiligen trinitat
0,14 Di einige. drie namen hat
0,15 Vnd driualt in dim namen iſt
0,16 In dinir gotheit du biſt
0,17 Beczeichent mit der funnen
0,18 Vrfprinch. des lebenden brunnen
0,19 Der in alle hercze vluzeth
0,20 Vnd towende beguzeth
0,21 Mit ſiben runfen aldi lebin
0,22 Den du daz lebin haſt gegeben
0,23 In menſchlicher wiſheit
0,24 Volkumens menſchen lebin treit
0,25 Vons heilegen geiſtes ſibin gebin
0,26 Sin. vornunpht vornunphtlich lebi
0,27 Diz is der ſibenvaldic vluz
0,28 Der von dir vluzet. vnd des guz
0,29 Dir iclich hercze reinit
0,30 Daz dich mit truwen meinit
0,31 IN miſlichir vnderſcheit
0,32 Hat des heilegingeiſtes wiſheit
0,33 Geteilet menſliche vornunſt
0,34 Einim witze dem andren kunſt
0,35 Teilit der heilige geiſt
0,36 Einim git her aller meiſt
0,37 In mangeln czungen fuze wort
0,38 Dem andren wiſer rede hort

- 0,39 Der dutunge. der rede treit
0,40 Einim git her gefuntheit
0,41 Einim tugende hoen gewin
0,42 Einim vordachtlichen fin
0,43 Daz er kunftliche dinc vorftat
0,44 Befcheidenheit des geiftes hat
0,45 Des andren fin mit richer craft
0,46 Vons heilegin geiftes meifterfchaft
0,47 Des gehe di gobe teilen kan
0,48 Einim iclichen als her im gan
0,49 Vnd in di gobe teilen wil
0,50 Als mit vor geordenten czil
0,51 Vnfers heren gotis rat
0,52 Di gobe vor hin geordent hat
0,53 IN dem felbin namen hie
0,54 Bouge ich mines herczen knie
0,55 Vnd bite dich uil fuzer crift
0,56 Sintdaz din gotliche lift
0,57 Mich armen tumben funder hat
0,58 Gefchaffen tzu einer hant getat
0,59 Daz du mir vuges den gewin
0,60 Daz minen wandelberen fin
0,61 Vnde min funtlich gemute
0,62 Des heilegen geiftis gute
0,63 Mit finem towe begize
0,64 Vnd in dinem namen uf flize
0,65 Miner touben fine tor
0,66 Mit den mir hat beslozen vor
0,67 Mit tumpheit richer finne craft
0,68 Vñ wifer worte meifterfchaft
0,69 Daz ich leider kleine han
0,70 Vnd geruche in min gemute lan
0,71 So wife finne mit vornunft
0,72 So rechte rede. fo wifer kunft
0,73 Vnd fo befcheideliche wort
0,74 Daz dich miner czungen ort
0,75 Also geloben muze
0,76 Vnd dines hoen lobes fuze
0,77 Daz iz dir herre anuenclich fi
0,78 Wan wonte mir der finne bi
0,79 Noch fechfe der ich einin han
0,80 Iz were ein czwifillicher wan
0,81 Dannocho daz iz vollen bracht
0,82 Wurde. des ich han gedacht
0,83 Czu tichtene. in dem namē din
0,84 Nu tu mir lere vnd helfe fchin
0,85 Durch der drier namen ere
0,86 Mit des heilegin geiftes lere

- 0,87 Vnd fende mir zu helfe di
0,88 Daz ich in dinem namen hi
0,89 Di rede bringe biz an daz czil
0,90 Der ich mit dir beginnen wil
0,91 Czu tichten. h̄re in dinem namen
0,92 Hoen fuzcen lobefamen
0,93 [I]ch wil als ich han gedacht
0,94 Mac iz werden uollenbracht
0,95 Al hie mit cranken finnen
0,96 Der beften rede beginnen
0,97 Der sich uor mir ie dutscher man
0,98 Czu tichten fold ie genemen an
0,99 Der beften ia. daz sp̄rech ich wol
0,100 Daz ich alfo sp̄prechen fol
0,101 An ftarken finnen vil gewerin
0,102 An meren v̄nwandelberin
0,103 Ist si di beſte des ie ich
0,104 Doch wil ich des nicht rumen mich
0,105 Daz iz in dutſcher erde
0,106 Daz beſte getichte werde
0,107 Oder guter ſpruche daz beſte ſi
0,108 Daz uns dutſchen wonit bi
0,109 Vnd ſpreche ich daz ſo were ich
0,110 Wol wert daz man ſtrafte mich
0,111 Ich ie abir des von der warheit
0,112 Daz iz di hoſten ſinne treit
0,113 Di dutſche kunſt berichten kan
0,114 Si hat uor mir ein wiſer man
0,115 Gefchriben vnd getichtet
0,116 Vnd in latine berichtet
0,117 Der hoer kunſt ein meiſter was
0,118 Swo man von kunſt an buchē las
0,119 Der was von biterne irkant
0,120 Vnd was gotfrit genant
0,121 Ein phaffe an kunſt uol kumen
0,122 Vnd an wiſheit uz genumen
0,123 Daz bewerit di materie wol
0,124 Daz man im des iehen fol
0,125 Der felbe begunde fuchen
0,126 Vnd fuchte an den buchen
0,127 Den hort di gruntfeſte der ſchriph̄t
0,128 Di urhabunge v̄n ouch di ſtipht
0,129 Der alden vnd der nuwen e
0,130 Do bi las er der buche me
0,131 Di uon der nature ſagent
0,132 Vnd di beczeichnunḡe tragent
0,133 Der phyloſoph̄yen
0,134 Di kunſt nam er czu amien

- 0,135 Vnd fi in wider czu amife
0,136 Der kunfte riche wife
0,137 Czu merften an finem buche feit
0,138 Wi goth an finer gotheit
0,139 Was edaz fine hoe craft
0,140 Gefchufe i cheine gefchaft
0,141 Vnd wes er here was erkant
0,142 E. cheine gefchefte wurde genant
0,143 Dar noch fait er biz an den ort
0,144 Wi daz hoe gotis wort
0,145 Alle creature werden hiz
0,146 Sin kunft uns dar na wizen liz
0,147 Kurczlich rechte vnd doch wi
0,148 Iz adamis kinden irgi
0,149 Wo fich di nach im lizen nider
0,150 Vnd wi di lant teiltin fider
0,151 Vnd wi di waren genant
0,152 Di heren waren uber di lant
0,153 Er fait ouch wi di hizen
0,154 Di in wizen lizen
0,155 Di buch iniclicher e
0,156 Wer di vumf buch von moyfe
0,157 Vnde di alden e. berichte
0,158 Vnd in latine tichte
0,159 Di hat er genennit fus
0,160 Moyfes. efdras. vnd iosephus
0,161 Daniel vnd andere wißagin
0,162 Ihc firac di in den tagin
0,163 Schriben di gefchicht der czit
0,164 Daudid falomon iudit
0,165 Ester vnd machabeus
0,166 Di buch ouch nennit er alfus
0,167 Di criften e gefchriben hant
0,168 Als fie hi gefchriben ftant
0,169 Paulus vnd di czuelf botin her
0,170 Noch git er uns urkundes mer
0,171 Wi di geheizcen waren
0,172 Di da fchribin in ir iaren
0,173 Den gelouben der criften
0,174 Di vire ewangeliften
0,175 Des gelouben fundamente
0,176 Der pabis fente clemente
0,177 Origenes vnd dyonisius
0,178 Vnd Iohannes crifoftomus
0,179 Athanafius vnd ieronimus
0,180 Auguftinus vnd gregorius
0,181 Vnd andere lerere vil
0,182 Der ich alhi nicht nennen wil

- 0,183 DOch wil ich uch benennen
0,184 Daz ir fie mugit irkennen
0,185 Di der heiden cronike tichten
0,186 Vnd in latine berichten
0,187 Iosephus der einer was
0,188 Der di buch der dite las
0,189 Dýonifius vnd orofius
0,190 Egefippus vnd fwetonius
0,191 Solinus vnd iulius
0,192 Vnd einer hiz affricanus
0,193 Der von erst der erste was
0,194 Der croniken schreip vnd las
0,195 Vnd der kunige geschicht
0,196 Von den kaldein hat uns bericht
0,197 Der kunige buch berofus
0,198 Ein buch tichter hiz alfus
0,199 Der mit schripht di mer uns gab
0,200 Von erste des landes urhab
0,201 Der kunige lebin vnd ir tot
0,202 So hat der wife mamenot
0,203 Von egýpten lant gefeit
0,204 Des landes gelegenheit
0,205 Al ir geschicht wi di geschach
0,206 Swes sin schripht da uon uoriach
0,207 Daz dutte sint ieronimus
0,208 Mobeus vnd ouch estius
0,209 Der allir schripht urkunde hat
0,210 Von der allir ersten getat
0,211 Daz di werlt sich hub an
0,212 Vnde von erst wachsen began
0,213 Vnd wi sich in ir cziten
0,214 Dilant teilten vil witen
0,215 Als di kunicriche sint gelegin
0,216 Dider lande foldin phlegin
0,217 Vnd wi di vnder sich dilant
0,218 Teiltin ouch hat er genant
0,219 Dilant al meistic inasia
0,220 In europa vnd in affrica
0,221 Di al der erdent gelegenheit
0,222 Begriffen gar als di schrift seit
0,223 Nu ist der lant namen so vil
0,224 Daz ich ir nicht nennen wil
0,225 Wan her nach mit den meren
0,226 Dan so fal ich uch beweren
0,227 Ir namen mit der warheit
0,228 Als uns des buches meister seit
0,229 Daz buch beginnet hebin an
0,230 Von adam dem ersten man

- 0,231 Vnd fait mit kurzlicher fage
0,232 Czil. iare mande vnd tage
0,233 Allir der herfcheffe
0,234 Di mit gewaldis crefte
0,235 Alle inir lebenden iaren
0,236 Der lande heren waren
0,237 Von aneenge biz an di vrift
0,238 Daz goth unfer herre iħc criſt
0,239 Von hýmele uf di erde quam
0,240 Vnd mit geburt an ſich nam
0,241 Durch uns di brode menſcheit
0,242 Vnd durch uns alliz daz irleit
0,243 Dar vm er menſche was genant
0,244 Mit namen tut er ouch bekant
0,245 Di pabiſe von fente petirs czit
0,246 Di czu rome pabiſe worden fit
0,247 Daz er keines namē virgaz
0,248 Bizdaz an den ſtul geſaz
0,249 Der pabs fente vrbanus
0,250 Der dritte den man nante fuſ
0,251 Vnd alle romiſche herſchapht
0,252 Biz an di wile daz mit craft
0,253 Der elder keiſer vriderich
0,254 Vñ des fun kunic heinrich
0,255 Der ouch ſint keiſer wart genant
0,256 Der ſicilie twanc daz lant
0,257 Romiſche richtere waren
0,258 In diſen ſelbin iaren
0,259 Tichter des buches vrhab
0,260 Der pabiſt orthabunge gab
0,261 Dem buche vñ dem getichte do
0,262 Vnd gab des urkunde alfo
0,263 Daz iz ein warheit were
0,264 Ane ualſch unwandelbere
0,265 Nach des buches warheit
0,266 Vñ der uil gewerin vnderſcheit
0,267 Di ouch uns dutet anderſwa
0,268 Scolaſtica hiſtoria
0,269 Ein buch iſt alfuſ genant
0,270 Daz ouch wiſlich tut irkant
0,271 Des angengis gelegenheit
0,272 Vnd albeſcheidenliche ſeit
0,273 Der mer wurczel vnd ir craft
0,274 Nach wunſchlicher meiſterſchaft
0,275 Wil ich arbeiten mine kunſt
0,276 Vnd miner ſinne uirnunſt
0,277 Durch got vñ durch der tuginde rat
0,278 Des gebot mich des gebetin hat

0,279 Daz dran erbeite mich
0,280 Min here lantgreue heinrich
0,281 Von duringen der uurfte wert
0,282 Der des hat an mir gegert
0,283 Daz ich daz buch berichte
0,284 Von latin in dutsch getichte
0,285 Des dinftes vnd der arbeit
0,286 Sol ich im gerne fin bereit
0,287 Vnd allen werden luten
0,288 Mit spruchen durch in duten
0,289 Daz buch so uil ich tumber man
0,290 Mit tichtene gedienin kan
0,291 Vf den lon fwer iz lese
0,292 Daz er im wunfchende wese
0,293 Vurftenlicher werdecheit
0,294 Mit werenden vroiden fundir leit
0,295 Iz fi man oder reine wip
0,296 Daz in got sele vnd lip
0,297 Beware nach den gnaden fin
0,298 Nu wil ich di finne min
0,299 Pinen mit arbeitlicher kur
0,300 Vnd wil uch hi legen vur
0,301 Mit tumbin finnen alczu cranc
0,302 Des buches urhab vnd anuanc
0,303 Genuge vragent noch also
0,304 Wo was got unfer here do
0,305 Do nirgen creature fchein
0,306 Gemachet noch gefcheft chein
0,307 Het ich nu fulche wilheit
0,308 Iz wurde uch nu uon mir gefeit
0,309 Nu bin ich ein so tumber man
0,310 Daz ichz nicht wol gefagin kan
0,311 Noch berichten doch wil ich
0,312 Ein teil des di schrift wifet mich
0,313 Berichten mit der helfe gotis
0,314 Vnd der ler finis gebotis
0,315 Got was do als er noch ift
0,316 Vnd immir ift ane endes vrift
0,317 In der gotlichen gotheit
0,318 Di er hatte an sich geleit
0,319 Al di gefcheft an feinde
0,320 Vnd eigenliche speinde
0,321 An ir di forme zallir czit
0,322 Di er ir gebin wolde fit
0,323 Vnd fach di gefchaft i bi im an
0,324 Als noch ein wifer czimmer mā
0,325 In sinem herczē trachtet
0,326 Mit vurgedanken vnd achtet

- 0,327 Mit wiherhande fachen
0,328 Er fin hus welle machen
0,329 Vnde ymaginiret daz.
0,330 Sus vnd fo i baz vnd baz
0,331 Bizdaz erz uolbringet
0,332 Als fin vurgedanc gedinget
0,333 Sus hat fins herczen anficht
0,334 Des hufes namen biz iz gefchicht
0,335 Daz erz gemacht iz ift czu hant
0,336 Mit dem gemache einhus genant
0,337 Allen den di iz danne fehin
0,338 Vnd fin fstructure fpehin
0,339 Da uor fiet ez der czimberman
0,340 Nicht wan mit dem herczen an
0,341 Diwile daz fin vurgedanc
0,342 Im erdenkit den anuanc
0,343 Alfus was alle gefchaft
0,344 E fi mit namen gewunnecraft
0,345 Vor gotis gefichte tougen
0,346 Mit warheit funder lougen
0,347 I. an gefen vnd uor bedacht
0,348 Bizdaz fi wart vollin bracht
0,349 Sus was ane angenge
0,350 Vor ewiclicher lenge
0,351 Di werlt bi gote gemacht i
0,352 Bizdaz iclich gefchaft intphi
0,353 Mit der nature ir gefchaft
0,354 Ir eigenschaft. ir namē ir craft
0,355 Do uon ftet alfo gefchriben
0,356 Daz got nicht elder fi beliben
0,357 Der iare dan fi gefcheftē fi
0,358 Wan fie im i wonte bi
0,359 Mit gedanken als ich han gefeit
0,360 Er ift aber an der werdecheit
0,361 Elder vnd an gewaldes craft
0,362 An immir wernder herfchaft
0,363 Wan er uon erfte den urhab
0,364 Einir iklichen gefcheftē gab
0,365 Di wifen philosophi
0,366 Den kunft mit wilheit wonte bi
0,367 Nennint iene werlt alfus
0,368 Mundus archetypus
0,369 Als fi do was e fi gefchaft
0,370 Gewunne uon der gotis craft
0,371 Dirre name archetypus
0,372 Czu latine fich dutet fus
0,373 Mit rechter dutunge
0,374 Týpus quit bezeichnenunge

0,375 Arche ift ein beflozzen vaz
0,376 Wifoldich daz befcheiden baz
0,377 Mit gewarer dutunge
0,378 Di beflozzin beczeichnenunge
0,379 Di nach vurgedanken wart
0,380 Sider offen vnd uf gefpart
0,381 Do di werlt nach ir orden
0,382 Gefchefte was worden
0,383 Als fi da uor e was bericht
0,384 Vor unferis fchepheris anficht
0,385 Der di gefchefte algemeine
0,386 Si were groz odir cleine
0,387 Nider ho fmal breit ftark fwach
0,388 In finer wilheit an fach
0,389 Do uon ift gotis name irkant
0,390 In krifchen vnd genant
0,391 Theos der alli dinch an ficht
0,392 Vnd dem ift uor virborgen nicht
0,393 Wan er i fach alle dinch
0,394 Vnd ir gefchefte urfprinch
0,395 Edaz fi wurden uollen bracht
0,396 Vnd in ir namen wurden irdacht
0,397 Got was i inder gotheit
0,398 Di er hatte an fich geleit
0,399 In unuerwefinlicher craft
0,400 Vnd in ewiclicher herfchaft
0,401 So fchone daz der engel fchar
0,402 Di uon im fint irluchtet gar
0,403 Vnd alfulcher fchone phlegint
0,404 Daz fi der funne widerwegint
0,405 Sine fchone fiben valt
0,406 Als ez gebutet gotis gewalt
0,407 Des gerint daz fin an fehint
0,408 Vnd fine fchone fpehint
0,409 Swi uil in di an gefehint
0,410 Swi uil fie fine fchone fpehint
0,411 Ir wunfchlich gir ir angeficht
0,412 Mac fich doch fin genugen nicht
0,413 Dicheine ftat mac begrifen got
0,414 So creften rich ift fin geboth
0,415 Vnd vullet himel vnd erde idoch
0,416 Iz in ift kein fo enge loch
0,417 Ern fie drinne vnde doch nicht
0,418 Mit craft vnd nicht mit geficht
0,419 Sus can er fich geteilen wol
0,420 Daz himel vnd erde fin fin uol
0,421 Vnd doch nirgin hi noch do
0,422 Ift noch dort noch anderfwo

- 0,423 Wan allinthalbin ift fin craft
0,424 Gancz bi finer gefchaft
0,425 Doch nicht also daz er do fi
0,426 Sin gewalt ift allin dingen bi
0,427 Des ift fin craft gewaldic
0,428 Einige doch driualdic
0,429 Was got i inder gotheit
0,430 Der enualden driualdekeit
0,431 Git der funnen eben maze wol
0,432 Als ich uch hi befcheiden fol
0,433 Der funne ift ein enic dinc
0,434 Vnd beluchtet der werlde umbe rinc
0,435 Swi der fi ein dinc genant
0,436 Vnd vur eingefchaft irkant
0,437 Dran fin dri dinc ougende fich
0,438 Di alle fin beczeichenlich
0,439 Der heilegin driualdikeit
0,440 Der funne mti gefcheft treit
0,441 Gefcheft hicze vnd fchin
0,442 Mit den drin wil daz eine fin
0,443 Ein einic dinc daz doch driualt
0,444 Ift des uater hoen gewalt
0,445 In finer gotlichen craft
0,446 Beczeichent der funnen gefchaft
0,447 Wefinde inder gewalde fin
0,448 Den fun bedutet der funnē fchin
0,449 Und fin wunniclicher glaft
0,450 Wan im des fchines ni gebrast
0,451 Der von der gotheit im fchein
0,452 Vnd i wuchs vnd ni verfwein
0,453 An im do er durch uns alhi
0,454 An fich di menscheit intphi
0,455 Der fun der ift di gotis wifheit
0,456 Als uns daz buch der wifheit feit
0,457 Durch des wifen falomonis munt
0,458 Di wifheit sprach e uor der ftunt
0,459 E di gefcheft keine craft
0,460 Gewunne inrechtir eiginfchaft
0,461 Ich was bi gote betrachtende
0,462 Al di gefcheft. vnd achtende
0,463 Wi di gefcheft folde fin
0,464 Gefchaffen. vnd ir materie fchin
0,465 Mit vorgedechticlichem finne
0,466 So heizet des vatir minne
0,467 Vnd des funs der heilige geift
0,468 Der mit gute in rechtir volleift
0,469 Einige von in beiden gadt
0,470 Der beczeichnungen hat

0,471 Der hitze di di funne git
0,472 Mit warheit an der funnen lit
0,473 Ebin maze der driualdicheit
0,474 Als di fchrift uns hat gefeit
0,475 Got was alfus mit namen i
0,476 Als ich uch han bescheiden hi
0,477 Einiger in driualdiger craft
0,478 Vnd allir creaturen gefchaft
0,479 Mit im in finim angeficht
0,480 Geformiret vnd anders nicht
0,481 Rechte als da in blute stat
0,482 Ein dinc daz nicht gefcheft hat
0,483 Vn gefchaft nach finer blute nimit
0,484 Di danne der natur geczimit
0,485 Got machte fin hantgetat
0,486 Durch gotlicher gute rat
0,487 Dar uf daz di genade fin
0,488 Wurde finer gefcheft schin
0,489 Got was i. vnd lengir wan.i vn. i
0,490 Wan angenge noch in intphi
0,491 Sin gotheit vnd der gewalt
0,492 Des uatir namen ist geczalt
0,493 Dem fune di gotis wisheit
0,494 Als uns der pphete feit
0,495 Der spricht "herre du haft bereit
0,496 Alle dinc indiner wisheit
0,497 Du eine alle dinc wol weist"
0,498 Di gute ist der heiligegeist
0,499 Der allem lebin git daz lebin
0,500 Dem lebin vnd namen ist gegeben
0,501 Mit wiser kunft vnd an virnunft
0,502 Odir mit finlichir kunft
0,503 Daz got unfer herre crift
0,504 Der mensch durch uns wurdē ist
0,505 Bi der gotheit ie were
0,506 Ie vnd erdaz ingebere
0,507 Di mait nach der menscheit
0,508 Daz sal uch hi werden gefeit
0,509 Als iz durch der pphetin munt
0,510 Got unfer here machit kunt
0,511 Hi uon spricht ysaia
0,512 Der vol des heiligengeistes was
0,513 Der spricht "got der herste
0,514 Ich der iungifte vnd der erste
0,515 Min hant di erde gemachet hat
0,516 So hat den himel als er stat
0,517 Gemezze gar min zefewe hant"
0,518 Ouch tut uns dauid irkant

0,519 Got mit finem worte hat
0,520 Den himel geueftint dar nach ftat
0,521 Mit fines mundis geift ir craft
0,522 Gefterkit ift. di befchaft
0,523 Bezeichint di namen dri
0,524 Di gote fin mit namen bi
0,525 Got daz ift got daz wort daz kint.
0,526 Der heilige geift di namen fint
0,527 Dri namen inpfonen drin
0,528 Di dri namen under in
0,529 Sint di dri namen ein einicheit
0,530 Ein ungefcheidenunderfcheit
0,531 Der gotheit als uns uoriach
0,532 Daudid do er uondem fune fprach
0,533 Zume vatir hin des funs worth
0,534 Als der fun zum uatir fpricht dort
0,535 “Du bift min fun” fprach czu mir
0,536 Der here “nu ger ich gebe dir
0,537 Czu erbe der erdē ende czil
0,538 Vnd alle di diet want ich wil
0,539 Daz iz dir zu erbe fi irkorn
0,540 Ich han dich hute geborn
0,541 Vor lucifern gebar ich dich”
0,542 Sus mägē wis bezeichent fich
0,543 Daz got wart mēsch vñ doch ist got
0,544 Als daz wolde fin gebot
0,545 Ciz ift bewerit alfo vil
0,546 Vñ alfo wol daz ich nicht wil
0,547 Noch in fal noch in tar
0,548 Vurbaz di rede berichten gar
0,549 Als ich an den fchriften las
0,550 Abir fpricht yfayas
0,551 “Wer mac fin geflechte
0,552 Mit czal vurbringen rechte”
0,553 Der wife iob ouch hi uon feit
0,554 “Wo vindesdu gotis wifheit
0,555 Wem ift daz kunt wi adir wo”
0,556 Ouch ftet gefchriben andirfwo
0,557 “Wem ift die wurczel der wifheit
0,558 Vnd der urhab uorgeleit
0,559 Des gewaren gotis funs”
0,560 Sintdaz mir der wisheit tuns
0,561 So cleine hat geteilet fich
0,562 Son getar ich nicht gepinen mich
0,563 Daz ich da uon icht mer fage
0,564 Edaz ichz doch uollen gedage
0,565 So wil ich fprechin mere
0,566 Nach der fchrifte lere

0,567 Di min urkunde hir an ift
0,568 Wi got unfer here crift
0,569 Schit uon gote dem uatir fin
0,570 Daz er was felbe fam der fchin
0,571 Der von einem lichte gat
0,572 Daz licht den fchin doch bi im hat
0,573 Vnd fint ouch beide anders nicht
0,574 Wan vuvr fchin vnd daz licht
0,575 Czu glichir wis alfam der munt
0,576 Daz wort mit rede machit kunt
0,577 Vnd als daz hercze bi im treit
0,578 Beflozen di wifheit
0,579 Alfo quam uon dem uatir daz kint
0,580 Di gewaldes ungescheiden fint
0,581 Vnd in einigir driualdekeit
0,582 Als ich uch nu hi habe gefeit
0,583 SOdaz ich nicht nu wil gedagin
0,584 Vñ swigī muz nicht vurbaz fa=gin
0,585 Von den drin benenden gotis
0,586 Mit der helfe finis gebotis
0,587 Woldich uon der engele craft
0,588 Vnd uon der himelischen herfschaft
0,589 Gerne ſprechin nune kan
0,590 Ich noch michs genemin an
0,591 Daz min kunftlofir fin
0,592 Icht czu uil gefagin uon in
0,593 Wan ane gotis wifheit
0,594 Ift allin menſchin uorfeit
0,595 Wi vnd waz engelifch nature fi
0,596 Gote fint di engele bi
0,597 Daz fi vur im vurbringin
0,598 Mit dinftlichen dingin
0,599 Gotis dinift vnd fin gebot
0,600 Engele fint di neher got
0,601 Danne ander engele an fehint
0,602 So in di i neher ſpehint
0,603 So fi in i ferir minnin
0,604 Vnd in finir libe brinnin
0,605 Ouch fint engele genant
0,606 Diwerdint in di werlt gefant
0,607 Szu fagene daz do fal gefchen
0,608 Bi gote fint ouch engele gefen
0,609 Di zeichin vnd manic wundir
0,610 Ofte wirken albefundir
0,611 Nun kore hant der engelfchar
0,612 Inengelifchem orden gar
0,613 Dinen fi gote czallir czit
0,614 Diniftlichen in widir ftrit

0,615 Daz engele hoers namen fin
0,616 Dan ander engel daz tut fchin
0,617 Di heilige fchrift der warheit
0,618 Engel fin dar zu bereit
0,619 Daz fi ander engel fenden
0,620 Vnd di di botschaft uorenden
0,621 Daz irzeigete wol zacharias
0,622 Der ein heilig ppheete was
0,623 Ein engel wart zu im gefant
0,624 Do der was von im gewant
0,625 Ein ander engel im bekam
0,626 Dem mußt er fin gehorfam
0,627 Er sprach zim louf nicht irwint
0,628 Vn vndirwifē mit rede daz kint
0,629 Sagim heiz iz vurbaz fagin
0,630 Daz her noch in finen tagin
0,631 Ierufalem gebuwit wirt
0,632 Also daz fimure virbirt
0,633 Der leiftiz vnd wart getan
0,634 Do von darf nimant czwiuel han
0,635 Einengelfchar infimerir
0,636 Gewaldegir vnd herir
0,637 Dan ein ander engel fchar da bi
0,638 Mit gewaldef creften fi
0,639 Man lift vil ofte hi vnd da
0,640 Vnd in den fchriften anderfwa
0,641 Und ift harte uil gefchein
0,642 Daz di engel fint gefehin
0,643 Zun heiligen uf di erde kumen
0,644 Des ift mit warheit vil vornumē
0,645 DI also werden hin gefant
0,646 Vnd di amechtis fin irkant
0,647 Dien fcheiden fo uon gote nicht
0,648 Sien fin vor gotis angeficht
0,649 Vnd fehin in mit vrouden an
0,650 Vnd fie got her wider an
0,651 In wern fi nicht in gotis geficht
0,652 So konden fi mit wiczen nicht
0,653 Kumftige dinc der fi uiriehint
0,654 So fie gotis tougen fehint
0,655 Sus wonit fie gotis gnaden famit
0,656 Der engele namen vnd ir amit
0,657 Wilich mit namen nennen
0,658 Ob ir fi welt irkennen
0,659 Virtutes vnd potestates
0,660 Vnd zu hant dominationes
0,661 Do nefte bi principatus
0,662 Ein engel amit heiczit fus

0,663 Ein andir ift ouch da bi
0,664 Daz ift geheizen troni
0,665 Vñ cherubin vnd feraphin
0,666 Der namen ich fus bewifet bin
0,667 Vnd machit daz latin irkant
0,668 Virtutes fin tugende genant
0,669 Von den di zeichen gefchin
0,670 Di got wil di finen lan fehin
0,671 Vnd potestates heizindi
0,672 Der gewalt mit crefteni
0,673 Was andern hoen geiften obe
0,674 Di got lobent mit ir lobe
0,675 Uurbaz bin ich bewifet des
0,676 Daz dominationes
0,677 Sin di herfcheffe
0,678 Di mit herlicher crefte
0,679 Vur di gewalt uf ftigent
0,680 Gotis lob fie nicht uirfwigent
0,681 Sie loben in czu allin cziten
0,682 Sunder alliz vnd erbiten
0,683 Abir dirre name principatus
0,684 Inlatine fich dutet fus
0,685 Di vurfte amit nennit fie
0,686 Di fchrift. nu horit vort wie
0,687 Waz der amechte mer fi
0,688 Di da fin geheizen troni
0,689 Daz fint di ftule uf di got
0,690 Durch fines gerichtес gebot
0,691 Sin gerichte wil fizen
0,692 Volleift ob allen wiczen
0,693 Dutet der name cherubin
0,694 Von dem engel amechte feraphin
0,695 Tut di fchrift uns cunt
0,696 Si fin di di zallir ftunt
0,697 Vor gote aller neheft fin
0,698 Vnd finen gothlichen fchin
0,699 Vorn andern allir nefte fen
0,700 Vnd im alfulcher libe ien
0,701 Daz fie in finen minnen
0,702 Sunderlich in minnen brinnen
0,703 Nu wil ich ouch nennin da bi
0,704 Di hoefte erczengel dri
0,705 Michahel vnd gabriel
0,706 Vnd der erczengel raphael
0,707 Vnd fagen zu dute alhi zu hant
0,708 Wi fi czu dute fin genant
0,709 Michahel den namen hat
0,710 Der nach fins amechtis orden ftat

0,711 Er dutet sich wer als got
0,712 Wan in hat daz gotis gebot
0,713 Czu probste inhoer crefte wis
0,714 Gemachit vbir daz paradis
0,715 Sus ift bedutet michahel
0,716 Di gotis fterk ift gabriel
0,717 Von latine czu dute irkant
0,718 So ift raphahel genant
0,719 Di gotis erczenie
0,720 Di herin engele drie
0,721 Namen nach ir amechte hant
0,722 In den fi sich ouch schouwen lant
0,723 Von gewalde michahel
0,724 Von gotes fterke gabriel
0,725 Raphahel von erczenie nimit
0,726 Der reine name im geczimit
0,727 Dife engele wir fus nennin
0,728 Wan wir nicht irkennin
0,729 Infundern namen cheinin me
0,730 Von den ich han gefprochin e
0,731 Daz fin herfcheffe vnd engelamit
0,732 In den manic tufent. tufent famit
0,733 Engele wonit uor gotis gefchicht
0,734 Suf fint iz amit vnd namen nicht
0,735 DO got diengele werden hiz
0,736 Di inden wunfch der fchone liz
0,737 In himelifcher wunne gar
0,738 Do was ob allir engelfchar
0,739 Der fchonfte engel lucifer
0,740 Den trouk fin tummer wandaz er
0,741 Gote wolde glichen sich
0,742 Mit gewalt vnd ebin rich
0,743 Als des gedacht von im wart
0,744 Do warf in fine hochfart
0,745 Von himel inden helle grunt
0,746 Mit im viruilen fan zu ftunt
0,747 Sins willen volgere alle
0,748 Zu dem ewigin tot valle
0,749 Vnd als er e der fchonfte was
0,750 Irallir fchone ein fpigil glas
0,751 Recht als eiflich wart er do
0,752 Vnd fine uolger alle alfo
0,753 Di fchrift tut uns uon im kunt
0,754 Daz in fin hochuart eine ftunt
0,755 Zuhimile nicht bliben liz
0,756 Er daz fin in di helle ftiz
0,757 Vnd alle fine mit uolgere
0,758 In iomir wernder fwere

0,759 Ist im alle gnade da ture
0,760 In dem heiczen helle viure
0,761 So di virvluchtenhelle kint
0,762 Wonende in der lufte fint
0,763 Si brinnen doch ir wize ist uil
0,764 Si wonen dik vnd manche zil
0,765 In der lufte manche zit
0,766 Durch nicht wan durch den nit
0,767 Daz si hin zu irn arbeiten
0,768 Virraten vnd ouch virleiten
0,769 Der tummen fundere lebin
0,770 Den guten fint si ouch gegeben
0,771 Zu pine durch alfulche fite
0,772 Daz ir lebin werde da mite
0,773 Gesterkit vnd ouch uirfuchet
0,774 Ob ir got icht geruchet
0,775 Warumme si nicht quamin wider
0,776 Vnd gehorfam wurden fider
0,777 Daz quam do von ir felbis gedanc
0,778 Der hoen funden si betwanc
0,779 Vnd fundirn daz in nimant riet
0,780 Da uon sich ouch nimant uz schiet
0,781 Der in des heiles gedechte
0,782 Daz er iz zu hulden brechte
0,783 Der nit daz si uirlorin fint
0,784 Nider allir menschin kint
0,785 Wan uns got hat benennit dar
0,786 Zu der rechten engele schar
0,787 Da in ir wunne wart benumen
0,788 Vnd von dannen si fint kumen
0,789 Nv wundert uil lichte einē man
0,790 Der iz nicht baz betrachtē kan
0,791 Wi zu den engeln muge kumen
0,792 Biden sin vroude ist benumen
0,793 Der tuuel der durch hochuart
0,794 Virftozin von himele wart
0,795 Vnd mit in got muge an sehin
0,796 Als virz buch horen iehin
0,797 Daz von dem reinen iobe feit
0,798 Do spricht di schrift mit warheit
0,799 Daz bi den engeln were satan
0,800 Do daz uirfuchen muft ir gan
0,801 Daz got an ioben leite
0,802 Mit manchir fwerin arbeite
0,803 Sach er do got mit ansicht
0,804 Nein er werliche nein er nicht
0,805 In fehin sin irwelten kint
0,806 Di kein im reinis herczen fint

0,807 Vnd bi namen nimar mer
0,808 Er fi rich arm odir her
0,809 So fehint di gotis ougen
0,810 Offenlich vnd ouch tougen
0,811 Beide ubele vnd ouch gute
0,812 In herczin vnd inmute
0,813 Got den fach der tuuel nicht
0,814 Der infach mit der geficht
0,815 Do er kein gotis vrage sprach
0,816 Vnd fin vrage czuczim gefchach
0,817 Von wannen er queme dar
0,818 Ich han vmmeloufen gar
0,819 Den vmmecreiz der erde
0,820 Do irczeichnet mit unwerde
0,821 Sin engiftliche arbeit
0,822 Di er von gotis czorne leit
0,823 Vñ fach in doch zu rechte nicht
0,824 Mit uollir ougen angeficht
0,825 Nu vraget lichte etifwer
0,826 Antwedir dirre oder der
0,827 Wi got di engele sprechin zu
0,828 Odir wi er fine rede czuczin tu
0,829 Odir der heiligen felen fin
0,830 Czu gote sprechin odir er czu in
0,831 Vnd wi ouch di rede fi getan
0,832 Di got mit dem tuuel wil han
0,833 Vnd er hin czim keine ftunt
0,834 Dem wil ich daz machen kunt
0,835 So got czun engeln sprichit icht
0,836 Zu hant mit finir angeficht
0,837 Irkennit ir mut finen fin
0,838 Rechte als er habe gesprochen zuin
0,839 Vnd finen willen gar gefeit
0,840 Mit der geficht der gotheit
0,841 Kunnen fizuhant lefin
0,842 Waz fi werbende fuln wefin
0,843 Si sprechin zuczim anders nicht
0,844 Wan mit der vroude der angeficht
0,845 Vnd mit dem lobe daz zallir zit
0,846 Ir orden im zu dinfte git
0,847 Nach finer gotheit gebote
0,848 Wi ouch di felen mit gote
0,849 Reden daz wirt uch ouch gefeit
0,850 Mit endehaftir warheit
0,851 Als di fchrift der buche iehint
0,852 So fie di gotheit an fehint
0,853 Zuhant fo fin fie gewert
0,854 Swes ir wille wunschis geret

0,855 Sin antwurt ift daz er tut
0,856 Swes an in gert ir urolich mut
0,857 Wi ouch gotis rede fi getan
0,858 Di er mit dem tuuel wil han
0,859 Daz ift der itewiz der miffetat
0,860 In dem er gote gefundet hat
0,861 Sin antwurt mac nicht anders fin
0,862 Wan fin arbeitlicher pin
0,863 Den er muz dulden alle ftunt
0,864 Vnd daz im daz vil wol ift kunt
0,865 Daz gote nicht vorborgin ift vor
0,866 Ern fehe durch allir herczin tor
0,867 Vnd fehe di dinc e fie gefchehin
0,868 Vnd immir werdin angefehin
0,869 HI mac uns wachfin vragēs vil
0,870 Ein man uil lichte vragin wil
0,871 Vnd fpricht lichte wi was got
0,872 So wunderlich daz fin gebot
0,873 Den bofen engel werden hiz
0,874 Daz er in nicht bliben liz
0,875 Vngefcheftic. do er in
0,876 Vnrechte wifte vnd finin fin
0,877 Daz muſte irgen durch fulchē rat
0,878 Daz di reine hantgetat
0,879 Gezirde dar mite neme
0,880 So di iene widerczeme
0,881 Wurden vnd hin getan
0,882 Daz di rechten muſten han
0,883 Deſte richer clarheit
0,884 Mit werndem libe fundir leit
0,885 Ein meler dem gemelde fin
0,886 Gibit deſte richeren ſchin
0,887 Alſo daz iz ſchone richet
0,888 Swener vnderſtrichet
0,889 Nach eigenlichem vlize
0,890 Mit ſwarczer varwe daz wize
0,891 So hat di wize deſte me.
0,892 Schone. vñ wirt ſchoner danne e
0,893 Were niman tumb. wer were wis
0,894 Wer hette dan an witzen pris
0,895 Tet al di werlt des wunſchis recht
0,896 Were beide here vnd der knecht
0,897 Al gliche wol rechte gemut
0,898 Wer were dan ubel odir gut
0,11521 Mit dem ich wil hebin an
0,11522 Daz ift moyſes din dienſt man
0,11523 Dem du uil mange ſtunde
0,11524 Von munde zu munde

0,11525 Dinis gewaldis wille kur
0,11526 Nach willin leiftis vur
0,11527 Vnd wie din craft ie dinir diet
0,11528 In allin notin wol beriet
0,11529 Als er felbir di warheit
0,11530 Von dinin genaden hat gefeit
0,11531 Des wil ich abir beginnin hie
0,11532 Zu tichtene. nu horit wie
0,11533 LAnge nach den ziten fit
0,11534 Ich meine nach iosebis zit
0,11535 Do der starb vñ was geleit
0,11536 Ich uch hie uor han gefeit
0,11537 Iz was. vnd wuchs ein kunic do
0,11538 Mit creftin inegypto
0,11539 Der da des landis crone
0,11540 Truc nach dem pharaone
0,11541 Vndir dem der gotis wigant
0,11542 Ioseph. berichte egypte lant
0,11543 Na genim an der achtin zal
0,11544 Der lande kunige ubir al
0,11545 Als di warheit uns tut gewis
0,11546 Er was genant amolophis
0,11547 Sin zu name was pharao
0,11548 Sus heizins landis kunige do
0,11549 Swies ouch andirs heizin da
0,11550 Der felbe kunig was andirfwa
0,11551 Mit hufe. fus ichin mere
0,11552 Danne iosebis herre were
0,11553 Vnd was hie uon egypte lant
0,11554 In einim nuwen fite irkant
0,11555 Wan der kunic irkante nicht
0,11556 Der hoen tat. di hoe gefchicht
0,11557 Di ioseph dem lande bot
0,11558 Mit rate inder hungirs not
0,11559 Vnd uirgaz der gutete alfo gar
0,11560 Daz er ir nam dicheine war
0,11561 Vnd ioch nieman in dem lande
0,11562 An iosebis kunne irkande
0,11563 Wiez lant uon kummir schiet
0,11564 In hungirs not. vnd fie beriet
0,11565 In notdurftigir wife
0,11566 Kornis vnd ouch spife
0,11567 Der kunic was dem kunne grā
0,11568 Vnd daz lantvolc alfam
0,11569 Di hazten fie zallir zit
0,11570 Durch den haz. vnd den nit
0,11571 Sie haz gein in gewonnen
0,11572 Daz fie sich baz uirfunnen

0,11573 An witzten. waren dan fie
0,11574 Vnd daz in baz zu handen gie
0,11575 Nach wunschlicher lere
0,11576 Mit falden. gut vnde ere
0,11577 Vnde an geflechtis edilcheit
0,11578 Diz was den lantluten leit
0,11579 Vnd hattinz uor ungemach
0,11580 Der kunic do zu finen sprach
0,11581 “Diz vremde lut gewachsin ist
0,11582 Vnd wechsit fere zallir vrift
0,11583 Vnd blibit iz sus di lenge
0,11584 Daz iz uns ebin ftrenge
0,11585 Wirt. vnd fterkir dan wir sin
0,11586 Si tunt uns ungenade schin
0,11587 Wirt uns ein not angende
0,11588 Vnd urluge bestende
0,11589 Sie kerint zu der uiende her
0,11590 Vnd helfint info richer wer
0,11591 Daz fie mit an uns gefigint
0,11592 Als fie uns danne obe ligint
0,11593 So beroubin fie daz lant
0,11594 Vnd uarint hin vri zu hant
0,11595 Nu ratit wie wir daz bewarn
0,11596 Vnd iz williche vndir varn
0,11597 Legin an fie mit clucheit
0,11598 Mit dienste so uil arbeit
0,11599 Dar an in allir craft zurge
0,11600 Vnd ir vorbaz nicht wde me”
0,11601 Der rat begondin allin
0,11602 Behagin. vn wol geuallin
0,11603 Ir rat gemeinliche daz riet
0,11604 Daz er di ifrahelische diet
0,11605 Mit arbeit nider dructe
0,11606 Vnde in da mite vnzucte
0,11607 Wollufte an irme libe
0,11608 Sodaz bi finem wibe
0,11609 Ir dichein inlege
0,11610 Vnd kurtzewile phlege
0,11611 Von der ftarken arbeit
0,11612 Di an fie wurde geleit
0,11613 Mit manigem pinlichem fite
0,11614 Vnd daz da wurde irwendit mite
0,11615 Menschliches famen art
0,11616 Daz lut fere gearbeitit wart
0,11617 Sie muften buwen daz lant
0,11618 Erden tragen vnd ouch fant
0,11619 Ziegil brinnin vnd ouch kalc
0,11620 Als ein gekouft eigin schalc

0,11621 Arbeitin sie nacht unde tac
0,11622 Ein meistir der ir phlac
0,11623 Schuf man den gefellefcheft zu
0,11624 Ieclichir spate vñ vru
0,11625 Vnd muſte daz ir einir weſin
0,11626 Vbir den wart uz geſin
0,11627 Ein lant man der ſin phlac
0,11628 Zallin ziten ob in lac
0,11629 Vnd mit flegin dar zu twanc
0,11630 Duchte ir ruwe zu lanc
0,11631 Daz er ſie muſte twingen
0,11632 Mit flegin dar zu bringen
0,11633 Daz ſie an allir vndir lazen
0,11634 Arbeitin muſtin ane mazen
0,11635 Mit ſo getanir libis not
0,11636 Man zu buwene in gebot
0,11637 Mit hertin flegin fundir lon
0,11638 Eine ſtat. di hiz phiton
0,11639 Vnd ramaffen ein houbit ſtat
0,11640 Di ueſten wurden wol beſat
0,11641 Mit wlicher lute wer
0,11642 Di mit creftilichem her
0,11643 Zu wer dem lande do lagen
0,11644 Vnd uz den ueſtin phlagen
0,11645 Des landis. do werliche
0,11646 Vnd daz in daz riche
0,11647 Vientliche nimant mochte kumē
0,11648 Swaz inme lande wart genumē
0,11649 Zinfes do. die hiez uil gar
0,11650 Des landis kunic vuren dar
0,11651 Da wurden da mit richeit
0,11652 Gar zu ſamene do geleit
0,11653 Daz ſie der kunic folde
0,11654 Da uinden ſwen ir wolde
0,11655 In notin zu cheinin ſtunden
0,11656 Di ſtete do begunden
0,11657 Sere richen von der arbeit
0,11658 Di ifrahelis kunne nu leit
0,11659 Wan ſie dar dienten fere
0,11660 Noch dan ſi muſtē mere
0,11661 Liedin arbeitlichir not
0,11662 Zu vegine manin gebot
0,11663 Der ſtete wege bi den tagin
0,11664 Vnd daz hor von dannen tagin
0,11665 DER dritten not wart in irdacht
0,11666 Daz ſie wurden uorbracht
0,11667 Mit pine an lebelichir craft
0,11668 Man gebot al der kunneſchaft

0,11669 Daz sie fundir lonis gelt
0,11670 Vor den stetin hin daz uelt
0,11671 Durch grubin allin fiten
0,11672 Mit tiefin grabin witen
0,11673 So di wazzir irguzzin
0,11674 Daz sie in di graben wluzzin
0,11675 Vnd danne ein ieclich grabe
0,11676 Di wazzer folde wifen abe
0,11677 Hin dan uon den ueftin
0,11678 Swaz di lantlute weftin
0,11679 Zurdenkine. daz uant man in
0,11680 Sie zu uirterbine want ir fin
0,11681 Vil ubiles. vnd wirs dan we
0,11682 So wart ir me vnd me
0,11683 So mans ie ferir dructe nider
0,11684 So ie ferir wuchsen fi wider
0,11685 Ir wart ie uil. vnd mer dan vil
0,11686 Sie wuchsen merinde allir zil
0,11687 Warens. als iz got gebot
0,11688 Mit die cheinirhande not
0,11689 In mochtin di lantlute sie
0,11690 Virtiligien. noch uirtriben nie
0,11691 Sie wuchfin ie dar an irn danc
0,11692 Di groz arbeit was in zu lanc
0,11693 Wan sie werte daz ist war
0,11694 An dem kunne uirhundirt iar
0,11695 DO dem kunige wart gefeit
0,11696 Vnd er beuant mit warheit
0,11697 Daz diz alliz nicht uirvi
0,11698 Sin ark wille in do nicht irlie
0,11699 Er dachte vnd wie daz tochte
0,11700 Daz er uirterbin mochte
0,11701 Den reinin ifrahelifchen diet
0,11702 Zwein wifen wiben er riet
0,11703 Der felbin hiez eine phua
0,11704 Vnd di andere sephora
0,11705 Di fulcher kunfte phlagen
0,11706 Swanne di vrouwen gelagen
0,11707 Vnd kint gebern folden
0,11708 Daz sie di haben wolden
0,11709 Alfie kindir foldin gebern
0,11710 An di begonde der kunic gern
0,11711 Daz sie defte ofter werin
0,11712 Da di iudifche wip geberin
0,11713 Vnd als ein fun wurde geborn
0,11714 Daz der fan wurde uirlorn
0,11715 E di geburt folde gefchen
0,11716 Vnd daz sie danne wolden ien

0,11717 Daz sie den fun sterbitin tot
0,11718 Da bi er mit gebote gebot
0,11719 Daz sie der finne wieldin
0,11720 Di meidelin behieldin
0,11721 Lebinde. vnde unuirterbit
0,11722 Anme libe vñ vnuirsterbit
0,11723 Alhier umbe geheiz er in
0,11724 Mite vil. vnd grozin gewin
0,11725 Vvar umbe der kunic tete daz
0,11726 Daz her sie immir mit vorchte intsaz
0,11727 Wan im hatte e mit warheit
0,11728 Ein fin wiffage gefeit
0,11729 Daz daz selbe kunne
0,11730 Uil kurzelicke gewunne
0,11731 Ein kint daz mit gewaldis hant
0,11732 Solde alliz egýpte lant
0,11733 Drucken. vnde demuten
0,11734 Vnd daz wolder also behuten
0,11735 Daz iz nimmir gefchehe
0,11736 Vnd was direde uil smehe
0,11737 Vnd uirterbite sie durch daz
0,11738 Wan er di vorchte fere intfáz
0,11739 Daz er di meide behalden hiez
0,11740 Vnd in vride bern liez
0,11741 Daz gefchach durch den lift
0,11742 Sa sie nach rechtis aldirts vrift
0,11743 Dar nach zu ir tagin quemin
0,11744 Daz sie dan di finen nemin
0,11745 Vnd sie zu wiben hettin
0,11746 Vnd ir mutwillen tetin
0,11747 An in. fwie sie duchte gut
0,11748 Als iz gerte ir gernde mut
0,11749 Durch daz beurideter irnlip
0,11750 Vnde wifte wol daz di wip
0,11751 Waren unwerliche irkant
0,11752 Vnd blode mit wlichir hant
0,11753 Di wip do des nicht woldin
0,11754 Tun. di iz behutin foldin
0,11755 Ich meine di des gebetin fint
0,11756 Daz sie da irtotin di kint
0,11757 Vnd tatens nicht sie vorchtin got
0,11758 Als in des kuniges gebot gebot
0,11759 Vnd liezin di kint lebin durch in
0,11760 Des vugetin got den gewin
0,11761 Daz sie in kurzen stunden
0,11762 Sere richin begunden
0,11763 An gute mit grozir habe
0,11764 In was da uor genomen abe

0,11765 Daz heil daz sie in ir iaren
0,11766 An vrucht vnd unberhaft warē
0,11767 Vnd nie kint gewonnen
0,11768 Do begondin got gunnen
0,11769 Daz sie uon finir genaden craft
0,11770 Mit kinden wurden berhaft
0,11771 Daz wart in zu lone uirlan
0,11772 Nu wart dem kunige kunt getā
0,11773 Daz sie finis gebotis [leisten] nicht
0,11774 Der strafte umbe di geschicht
0,11775 Daz sie nicht taten sin gebot
0,11776 Sie sprachin in ir vorchten not
0,11777 “Ebreifch wip uil kunstic fint
0,11778 So sie gebern fuln ir kint
0,11779 Sie uirberginz uns uor uil gar
0,11780 Edaz wir mugen kumin dar
0,11781 So hat iz ende genumen
0,11782 Vnd ir geburt ist uolkumen”
0,11783 DO der kunic innen wart
0,11784 Daz sich mit listlichir art
0,11785 Sin wille als er da wolde
0,11786 Don mochte noch endin folde
0,11787 Als daz got selbe irwante
0,11788 Mit gebote er do fante
0,11789 Vnd gebot in dem lande fa
0,11790 Vnd hiez gebitin den finen da
0,11791 Vil offenliche vnd an den lip
0,11792 Swa ein ebreifch wip
0,11793 Einin fun gebere. daz man in
0,11794 Vurte in ein wazzir hin
0,11795 Vnd in zu hant irtrencte
0,11796 Vnd man in nicht uirhencte
0,11797 Daz sie icht vurbaz kemen
0,11798 Dem lande sin erbe benemen
0,11799 Sus was der kinde in kurtziem zil
0,11800 Irtotit vnd irtrenkit uil
0,11801 In allem egýpten lande
0,11802 Dar umbe in got fande
0,11803 Des ungeloubin irretheit
0,11804 Daz sie als uns di warheit feit
0,11805 Betin durch des tuvels spot
0,11806 An. einin ftier als einin got
0,11807 Den sach man uz einim wazzir gan
0,11808 Glich einim ftiere getan
0,11809 Ein wizzir zeichin er truc
0,11810 Einfit ubir den zefwin buc
0,11811 Gestalt als der mane
0,11812 Nach tumbes h̄zin wane

0,11813 Wart er uor got gebetit an
0,11814 Vnd als in wip vnd man
0,11815 An gebetitin fan er virfwant
0,11816 Der got was apis genant
0,11817 Mit dirre hoen schulde
0,11818 Virworchtin fie gotis hulde
0,11819 Vnd rach ouch got den unfin
0,11820 Mit dirre missetat an in
0,11821 DO des ubelis uil gefchach
0,11822 Vñ e man uil kinde irtrenkit fach
0,11823 Der ifrahelin herze leit
0,11824 Wuchs. vnd wart uon clage breit
0,11825 In den felbin geziten
0,11826 Was undir den leuiten
0,11827 Ein gut man hiez amram
0,11828 Der ouch uon fime kunne nam
0,11829 Ein wip was iacobeche genant
0,11830 Do der di gebot iruant
0,11831 Er dachte in grozir fwere
0,11832 Daz er vil gernir were
0,11833 Ane kint als uil lute fint
0,11834 Dan ob von im ein liebiz kint
0,11835 Wurde im zu vroudin irkorn
0,11836 Daz er daz muoste han uirlorn
0,11837 Vnd in wolde durch di geschicht
0,11838 Bi finem wibe ligen nicht
0,11839 Vnde als des fin lize wart in ein
0,11840 Got im inme troume irschein
0,11841 Vnd hiez in fundir zwiuels wan
0,11842 Di vorchte uz fime herzin lan
0,11843 Ein kint wurde im zu kinde irkant
0,11844 Gein dem egypte daz lant
0,11845 So groze vorchte folde han
0,11846 Im wart von gote ouch kunt getā
0,11847 Daz von im wurde ein fun geboren
0,11848 Der zeinim ewarten irkorn
0,11849 Wurde. nach der gotis e
0,11850 Daz was aaron. got hiez inme
0,11851 Durch fulcher vorchte geschicht
0,11852 Sin wip langir miden nicht
0,11853 Amram do nicht langir lie
0,11854 Von der slaf stat er gie
0,11855 Vnd lac bi finem wibe
0,11856 Di fan uon finem libe
0,11857 Gewonliche nach rechtir art
0,11858 Einis kindis fwangir wart
0,11859 Vnd truk daz bizdaz fie iz gebar
0,11860 Daz is nieman wart gewar

0,11861 Diz was wol gotis wille
0,11862 Sie gebar iz alfo stille
0,11863 Daz iz lutzil iman bevant
0,11864 Do der mutir wart irkant
0,11865 Sin uil wunniclichir lip
0,11866 Wan schonir kint gebar nie wip
0,11867 Do bi der felbin iare zit
0,11868 Als uns di schrift urkunde git
0,11869 Ir herze uil vorchten dolde
0,11870 Daz sie iz uirlifen folde
0,11871 Sie barc iz fere vnd fere
0,11872 Nach der truwen lere
0,11873 Mit mutirliche liebe rat
0,11874 Gein irme liebin kinde hat
0,11875 Dri manede behielt siez do
0,11876 Daz iz nieman weste alfo
0,11877 Noch wlichin irvant
0,11878 Nu tet iz vil ofte irkant
0,11879 Sine kintliche fite
0,11880 Hie meltiz sich selbe mite
0,11881 Vnd weinte alfe kleine kint
0,11882 Di in ir ersten tagen fint
0,11883 DO diz alliz fus geschach
0,11884 Vn di mutir rechte irfach
0,11885 Daz ir nicht mer in tochte
0,11886 Daz siez noch behalden mochte
0,11887 Ir liebiz kint uon kindis fiten
0,11888 Di iz begienc unuirmiten
0,11889 Mit listlichen fachen
0,11890 Liez sie ein korbil machē
0,11891 Langlecht mit cleinin gertin
0,11892 Vil flechtin vnd ouch hertin
0,11893 Daz hiez sie vlizlichen
0,11894 Virbichin vnd uirftrichen
0,11895 Beide uzen vnd innen
0,11896 An allin wazzir rinnen
0,11897 Mit hartze vnd cleibin alfo wol
0,11898 Ob ich so sprechin muz vn sol
0,11899 Daz nimmir wazzir druz oder dri
0,11900 Mochte kumin. do leit siez in
0,11901 Ir liebiz kint vnd truc iz dan
0,11902 In einin bach. der da ran
0,11903 Hin vor des kunigis palas
0,11904 Der bach in stillem runfe was
0,11905 Noch zu tief noch zu groz
0,11906 In femftem vluzze iz vloz
0,11907 Unde truk daz kint schone imbor
0,11908 Nu hatte iacobeck da uor

0,11909 Ir tochtir mit dem kinde gefant
0,11910 Di was maria genant
0,11911 Daz fie uil ebene befehe
0,11912 Waz dem kinde gefchehe
0,11913 Doch mit fo wifen finnen
0,11914 Daz is nieman wart innen
0,11915 Sus quam iz gerunnen
0,11916 Als im got wolde gunnen
0,11917 Gein des kuniges palas
0,11918 pharaonis tochtir di was
0,11919 Ein vrouwe. vnd hiez termut
0,11920 Kumen. als ofte ein vrouwe tut
0,11921 Durch kurzewile zu dem bach
0,11922 Als fiez kint zu vlizen fach
0,11923 Sie bat iz langen dar
0,11924 Vnd brach daz korbil. fie nam war
0,11925 Des schonisten kindes als mā iach
0,11926 Daz ie ouge da uor gefach
0,11927 Sie zarte im uil fere
0,11928 Nach wiplichir lere
0,11929 Sie irbarmite fin lip
0,11930 “Werliche.” sprach daz edele wip
0,11931 “Diz ift der ebreifchin kint
0,11932 Di fo fere uirteilit fint
0,11933 Ich wil iz zeime kinde han
0,11934 Vnd uon mir nimmir lan
0,11935 Zu wunfche in minem mute”
0,11936 Got vugete im wol zu gute
0,11937 Schone. wunfch ere. und daz heil
0,11938 Daz di viende waren geil
0,11939 An zu fehene finen lip
0,11940 Im bot uil manic lant wip
0,11941 Ir brufte zu fugene dar
0,11942 Der nam iz di cheine war
0,11943 Wan als im vremede bruft irkant
0,11944 Wart. dannen wante iz fich zu hāt
0,11945 Vnd liez fichs nicht gezemin
0,11946 Daz iz ir cheine wolde nemin
0,11947 DEs nam fie befundir
0,11948 Alle michil wundir
0,11949 Swer daz wundir fach
0,11950 Maria fin fwestir do sprach
0,11951 Zur kunigin. “vrouwe min
0,11952 Waz ob diz kindelin
0,11953 Vremde bruft nicht fugin wil
0,11954 Ebreifchir wibe ift hie vil
0,11955 Wiltu daz ich der eine dir
0,11956 Dem kinde her bringe mit mir”

0,11957 Di kunigin sprach "ia"
0,11958 Do gienc sie nach ir mutir fa
0,11959 Vnd saitir dife rede do
0,11960 Des wart irs herzin mut vro
0,11961 Daz sie uon leidigem herzin
0,11962 Liez allir leidis fmerzin
0,11963 Do sie di warheit uirnam
0,11964 Zu der kunigin sie balde kam
0,11965 Di bot ir fa daz kindelin
0,11966 Als iz intphienc di mutir fin
0,11967 Ez fouc uil gutliche
0,11968 Termut di edele riche
0,11969 Beual irz kint daz siez zuge
0,11970 Sint iz ir bruft so gerne fuge
0,11971 Vnd iz ir danne gebe widir
0,11972 Daz geschach mit vrouden fidir
0,11973 Do daz kint was wol irzogin
0,11974 Getruwelich. vnd unbetrogin
0,11975 Als iz zoch di mutir fin
0,11976 Sie brachtiz der kunigin
0,11977 Die iz zu wunschil kinde nam
0,11978 Do iz wider zuzir kam
0,11979 DIz was in den iaren
0,11980 Do uon adame waren
0,11981 Biz an di stunde uirwar
0,11982 Dri tufent vnd hundert iar
0,11983 Vnd acht vnd zwenzic als di zal
0,11984 Sich bezaltin gar vnd ubir al
0,11985 Vnd als di schrift di zal behielt
0,11986 In affiria der cronin wielt
0,11987 Safrus. ein kunic fere wis
0,11988 Vnd in ficionie ortopolis
0,11989 Truc der landis crone do
0,11990 Vnd diz gefchen was alfo
0,11991 Vnd ermes egyptius
0,11992 Athlantis. fun mercurius
0,11993 Philosophie den vrhab
0,11994 Von erste mit hoer kunste gab
0,11995 Von cefarie eusebius
0,11996 Sait. vnd schribit uns alfus
0,11997 Do uon iosebis iare
0,11998 Siebin kunige gewefin waren
0,11999 Biz an di zit in egypto
0,12000 Er schribit ir namen. ir iar alfo
0,12001 Amors. der was richtene uirwar
0,12002 In egypte vumf vñ vumfzic iar
0,12003 Drizehin iar ouch gebot
0,12004 In egypte lande nemrot

- 0,12005 Vnd ein vñ zwenzic vil gewis
0,12006 Ein kunig hiez amenofis
0,12007 Menfres zwelf iar da crone truc
0,12008 Einis kunigis er da nach gewuc
0,12009 Der was geheizin melfar
0,12010 Der truc fechs vñ zwenzic iar
0,12011 Crone in dem lande da
0,12012 Nach des felbin geziten fa
0,12013 Truc fie mit creftin uirwar
0,12014 Vnd kuniclichen fidir nun iar
0,12015 Der kunic thericioniofis
0,12016 Vnd nach dem was amolophis
0,12017 Kunic ein vñ drizic iar
0,12018 Ob uns di fchrift fait war
0,12019 Dirre felbe kunic truc
0,12020 Di crone als ich e gewuc
0,12021 Vnd hattes in den felbin tagin
0,12022 Mit craft zwenzic iar getragin
0,12023 Do diz kint wart geboren
0,12024 Daz fint zu voite wart irkorn
0,12025 Vbir di gotis irwelte diet
0,12026 Als mich di warheit befchiet
0,12027 Di ful wir abir vahin an
0,12028 Dife rede mit merin lan
0,12029 Diz kint wart moyfes genant
0,12030 Daz man in dem namen vāt
0,12031 Daz gefchach mit bezezeichenūge
0,12032 Egyptifche zunge
0,12033 Daz wazzir nennit moýs
0,12034 Nach der bedutunge wis
0,12035 Daz er was vonme wazzir genum̃
0,12036 Mustim dirre name kumen
0,12037 Als im der fite gedachte
0,12038 Sin wunfch mutir in brachte
0,12039 Einis tagis mit vrouden fchone
0,12040 Irm uatir pharaone
0,12041 Daz got fo hoe clarheit
0,12042 Hatte an finen lip geleit
0,12043 Nach des wunfchis lere
0,12044 Den kunic wundirte fere
0,12045 Daz immir irdifch wip
0,12046 Gebern folde fo fchonen lip
0,12047 Als gar der wunfch an im lac
0,12048 Der fin mit menfchen fchone phlac
0,12049 Mit uil wunfchlichem lone
0,12050 Der kunic nam fine crone
0,12051 Di was uon golde wol irhabin
0,12052 Hammonis bilde dran irgrabin

0,12053 Einis valfchin gotis den daz lant
0,12054 Hatte uor einin got irkant
0,12055 Vnd faztim uffiz houbit di
0,12056 Daz kint di crone balde vi
0,12057 Vnd warf fie mit unwerde
0,12058 Von im uf di erde
0,12059 Daz fie uiel vnd gar zu brach
0,12060 Daz iz der kunic ane fach
0,12061 Ein valfchir ewart der abgote
0,12062 Der nach des tvuels gebote
0,12063 Ir dienift ubete. der ftunt da
0,12064 Vnd fprach zume k[u]nige fa
0,12065 “Werlich herre diz ift diz kint
0,12066 Von deme di mere gefchriben fint
0,12067 Daz iz uirterbin fol din lant”
0,12068 Dar nahir trat er zu hant
0,12069 Vnd woldiz irtotit han
0,12070 Diz mufter kunic vndirftan
0,12071 Vnd ein andir wife man
0,12072 Der iz fchirmen ouch began
0,12073 Iz were uon kintheit gefchehin
0,12074 Des wolder vorz kint iehen
0,12075 Vnd uon tumbis kindis fiten
0,12076 Were dran allir valfch uirmiten
0,12077 Vnd allir kintheite haz
0,12078 Diz wolden fie uirfuchen baz
0,12079 Vnd gabin im indi hant
0,12080 Einin gluendin brant
0,12081 Daz man di warheit vunde
0,12082 Butez den zume munde
0,12083 So mochtiz vnſchuldic fin
0,12084 Do tet daz reine kindelin
0,12085 Kintliche fin kintheit kunt
0,12086 Iz ftiez den brant in den munt
0,12087 Vnd brante finer zungen ort
0,12088 Sodaz iz lifpende vort
0,12089 Sint alle fine zit fprach
0,12090 Do man di kintheit an im fach
0,12091 Do wart iz vnſchuldic gefeit
0,12092 Durch der zungen irretheit
0,12093 Lifpent im zu libe doch
0,12094 Alle iudē mit rede noch
0,12095 Nu was daz kint fo ſchone gar
0,12096 Vñ fo wunneclich uirwar
0,12097 Daz nieman was als vngut
0,12098 Als ernſthaft. an fiten gemut
0,12099 Daz erz gefen mochte genuc
0,12100 Swa manz durch di ftat truc

0,12101 Dar liefin di man vnd di wip
0,12102 Daz sie gefehin finen schonē lip
0,12103 Di hantwerk gar gelagin
0,12104 Wan alle di ir phlagin
0,12105 Die liezin sie bliben gar
0,12106 Vnd taten des kindes war
0,12107 Dar liefins an der zit
0,12108 Gemeinliche in wider ftrit
0,12109 Daz sie beschouweten daz kint
0,12110 Nu di iar virendit fint
0,12111 Nach finir kintheit der iugent
0,12112 Mit wilheit. mit mannis tugent
0,12113 Mit zuchten. mit hoe gemute
0,12114 Mit schonir manlicher gute
0,12115 Begreif er der falden riche
0,12116 Daz zil uil falicliche
0,12117 Do er was kumen zu finen tagin
0,12118 Vnd er mit creftin mochte tragin
0,12119 Swert vnd manliche wer
0,12120 Er was gein vientlichem her
0,12121 Mit finne. mit mannis craft
0,12122 Kune wif vnd ellinthaft
0,12123 In alle wis gar vollinkumen
0,12124 Hier an was er uz genumen
0,12125 Daz man im gar des beftin iach
0,12126 Swa man von mannis lobe sprach
0,12127 IN difen felbin ziten
0,12128 Sach man mit creftin riten
0,12129 Di moren in egypte lant
0,12130 Sie wuftin mit gewaldis hant
0,12131 An allis widerfazit wer
0,12132 Von menphin biz an daz mer
0,12133 Daz lant lut als ich do las
0,12134 Daz lant als iz gelegin was
0,12135 Di wer di sie mochtin han
0,12136 Mit den sie woldin widir stan
0,12137 Den moren. di sie an riten
0,12138 Sie quamen mit gemeinim siten
0,12139 Uor irn got. vnd baten
0,12140 Daz er in wolde raten
0,12141 Wie sie gein der viende her
0,12142 Sich bereittin wol zu wer
0,12143 Do wart in da uor geleit
0,12144 Vnd uon ir gotin daz gefeit
0,12145 Nach ir warheit ungelogin
0,12146 Sie foldin nemin zu herzogin
0,12147 Einin ebreifchen degin
0,12148 Daz er ir hers folde phlegin

0,12149 Vnd er were moyfes genant
0,12150 Do gienc daz lut alzu hant
0,12151 Vor des kuniges tochtir hin
0,12152 Vnd batin uil fere vmbe in
0,12153 Daz fie in mit in fande
0,12154 Zu helfe. vnd wer dem lande
0,12155 Wan fin werliche hant
0,12156 Bevriden muſte nu daz lant
0,12157 Als in irre gote warheit
0,12158 Hette gekundet vnd gefeit
0,12159 Di vrouwe iz fere uirſprach
0,12160 Wan fie ſich mit vorchti uirfach
0,12161 Daz fie in uirterbitin uf der vart
0,12162 Mit eiden do uirſchirt wart
0,12163 Vnd mit gewiffir warheit
0,12164 Daz fiim nimmir chein leit
0,12165 Noch ungemach getetin
0,12166 Vnd in zu herrin hetin
0,12167 Nach fins felbis lere
0,12168 Do fumete ſich nicht mere
0,12169 Termut. fie liez den man
0,12170 Mit den lantluten uaren uon dan
0,12171 Di namenin zu herrin do
0,12172 Nu diz geſchen was alfo
0,12173 Daz fie waren in finir phlege
0,12174 Er liez der wazzir vmbe wege
0,12175 Vnd vurte fie nach wiſir art
0,12176 Ein gar nahin durch uart
0,12177 Daz fie di moren vor quamen
0,12178 Edaz ſi ir kunſt uirnamen
0,12179 Vnd in danne intwichin
0,12180 Einin wec fie do ſtrichin
0,12181 Der durch ein wuſten gie
0,12182 In der felbin wuſten hie
0,12183 Schedeliche wurme lagin
0,12184 Di der ſtrazen alfo phlagin
0,12185 Daz nieman dar durch mochte kumen
0,12186 Nu hatte moyſes genumen
0,12187 Storke diin den iaren
0,12188 Alda gezemit waren
0,12189 Mit den daz her uf der vart
0,12190 Beuridet uon den flangen wart
0,12191 Nu quam an der moren her
0,12192 Moyſes mit fulchir wer
0,12193 Daz in uirmeit ir ſtrit
0,12194 Vnd kertin an der felbin zit
0,12195 Sundir wer mit vluchte fa
0,12196 Ins kunigis ueſte uon faba

0,12197 Ich meine in fin houbit stat
0,12198 Di was mit richir wer befat
0,12199 Sie nante der kunic kambifes
0,12200 Sint nach den ziten meroes
0,12201 Vnd was fo wol zu wer gestalt
0,12202 Daz sie nie mannis gewalt
0,12203 Mochte an den geziten
0,12204 Irsturmen odir irftriten
0,12205 Dar inne liez der more her
0,12206 Sich befizen mit richer wer
0,12207 Di sie hatten allir tegelich
0,12208 Her uz mit craft sie wtin sich
0,12209 So werlich. daz in nieman
0,12210 Di stat mochte gewinnen an
0,12211 E von geschichte daz geschach
0,12212 Daz des kuniges tochtir sach
0,12213 Moyfes schonin lip
0,12214 In began daz iunge wip
0,12215 In fenedis herzin finnen
0,12216 So h̄zeliche minnen
0,12217 Daz sie sich kurzlich bewac
0,12218 Al der vrouden der sie phlac
0,12219 Odir er wurde ir zu man
0,12220 Sie trugiz mit botin an
0,12221 Wolde in des gein ir gezemin
0,12222 Daz er sie zu wibe wolde nemin
0,12223 Sie wolde im gebin di stat
0,12224 Des sie gerte unde bat
0,12225 Also wart in kurzin tragin
0,12226 Vndir in ubir ein getragin
0,12227 Sie gab im vnd finem her
0,12228 Stat vnd lute fundir wer
0,12229 Und er nam sie zu wibe fa
0,12230 Waz er den lute tete da
0,12231 Ob ers irfluge odir andirs icht
0,12232 Tete. des seit di schrift nicht
0,12233 Doch wart mir fo uil irkant
0,12234 Der mere er betwanc daz lant
0,12235 Do er sich an den moren rach
0,12236 Di morin man in nemen sach
0,12237 Zu wibe als er ir gehiez
0,12238 Di im sich vnd di uefte liez
0,12239 Tarbas was di vrouwe genant
0,12240 Daz sie im zu wibe was irkant
0,12241 Vnd ir minne was fin lon
0,12242 Des zurnete fere aaron
0,12243 Vnd maria di swestir fin
0,12244 Di tet im fo vil zornis schin

0,12245 Daz iz got fidir an in rach
0,12246 Wie di rache an in gefchach
0,12247 Daz wirt uch her nach gefait
0,12248 Do moyfes do was getait
0,12249 So langir wolde in der stat
0,12250 Sin wip er mit im kerin bat
0,12251 Von dan in egypte lant
0,12252 Di widir redit iz zuhant
0,12253 Vnd in wolde mit dem wifen man
0,12254 Nicht zu lande kerin dan
0,12255 Vnd in woldin ouch uon ir nicht dā
0,12256 Er muſte al da mit ir beſtan
0,12257 Nu tet der edile degin gut
0,12258 Als manic man nach gne tut
0,12259 Der mit willen alle vrift
0,12260 Gerne bi den vrunden iſt
0,12261 Danne in ellende andirfwa
0,12262 In finen finnen dachter fa
0,12263 Wie im der liſt gezeme
0,12264 Daz er uon dannen keme
0,12265 Mit fulchir vuge daz fin wip
0,12266 Der er was liebir danne ir lip
0,12267 Nicht befwerit wurde
0,12268 Mit fwerir iamers burde
0,12269 Den fie nach im truge
0,12270 So man ir fin gewuge
0,12271 Diz was in finir trachte
0,12272 Von kunſte mangir achte
0,12273 Vnd liſtlichir wunder
0,12274 Von aftronomie kunder
0,12275 Daz liez er kieſin do dar an
0,12276 Der edile kunſte riche man
0,12277 Machite in zwei vingerlin
0,12278 Zwei cleine bilde guldin
0,12279 Di waren wunderlic gnuc
0,12280 Swer daz eine bi im truc
0,12281 Der uirgaz in finem mute
0,12282 Swaz im ie zu gute
0,12283 Odir zu leide gefchach
0,12284 Swen man daz andir tragin fach
0,12285 Den mut fin herze fa gewie
0,12286 Swaz im was gefchen ie
0,12287 Also daz er der gefchicht
0,12288 In mochte uirgezzin nicht
0,12289 Daz uirgezzine vingerlin
0,12290 Liez moyſes der morin
0,12291 Do uirgaz fie fin fo gar
0,12292 Daz fie nam di cheine war

0,12293 Ob fie fin ie kunde gewan
0,12294 Der edile reine wife man
0,12295 Kerte wider heim zu hant
0,12296 Vnd vur gein egypte lant
0,12297 Do er uon kinde waf irzogin
0,12298 Der werde an faldin umbetrogin
0,12299 Gein ieffen do kerte
0,12300 Als in di libe lerte
0,12301 Di er fime kunne truc
0,12302 Da fach er iamirs genuc
0,12303 Vnd note an finem magin da
0,12304 Vnd in dem lande andirfwa
0,12305 Wan fie mit dienftlichen fiten
0,12306 Mange hoe fwere liten
0,12307 Von dienftlicher arbeit
0,12308 Di fie da wart angeleit
0,12309 Als ich uch uor uiriach
0,12310 Moyfes der gute fach
0,12311 Daz ein lantman da fluc
0,12312 Vngezogenlichin genuc
0,12313 Einin finir mage da
0,12314 An den felbin kerter fa
0,12315 Vnd fluc in tot zu hant
0,12316 Vnd barc in under den fant
0,12317 Daz man innen wurde nicht
0,12318 Von im der felbin gefchicht
0,12319 Uru ame andirn tage
0,12320 Gienc er nach der warheit fage
0,12321 Zume werke hin. da vand er
0,12322 Zwene ebreifche di mit ein andir
0,12323 Kriegin. ine wez vmbe waz
0,12324 In beiden wter daz
0,12325 Vnd ftrafte ienin genuc
0,12326 Der di fchult an im truc
0,12327 Dem was iz zorn vn vngemach
0,12328 Der felbe zornlich do sprach
0,12329 "Wer hat dir gewalt gegeben
0,12330 Daz du berichtес unfir lebin
0,12331 Wes vndirwinftu dich
0,12332 Ich wene du woldis flan mich
0,12333 Als du ouch gefirn fluge
0,12334 Vnd in den fant uirtruge
0,12335 Von hinnen einin lantman"
0,12336 Moyfen fere wundern began
0,12337 Wer di uirholnin warheit
0,12338 So rechte im hette gefeit
0,12339 Vnd iz doch heimelich gefchach
0,12340 Im was leit daz ienir sprach

0,12341 Gein im fo baltliche daz wort
0,12342 Wan iz uor dem kunige dort
0,12343 Was vil kurtzliche gefait
0,12344 Er hiez dem degine vnuirzait
0,12345 Zu hant mit fuche nach iagin
0,12346 Vnd woldin han laz in irflagin
0,12347 Vnd daz der reine wif man
0,12348 Von dem lande fan untran
0,12349 DO der gotis wigant
0,12350 Gerumit hette egypte lant
0,12351 Er quam als ich gelefin han
0,12352 Durch eine wufte in madian
0,12353 Diz was ein riche houbit ftat
0,12354 Sie hate anz rote mer gefat
0,12355 Mit buwe da uor madian
0,12356 Den ich ouch genennit han
0,12357 Wan abraham von cetura
0,12358 In gebar. der buwete alda
0,12359 Di ftat indemlande
0,12360 Di er nach im felbin nande
0,12361 Als ir fin name wol gezam
0,12362 Moýfes gegangen quam
0,12363 Zeinim brunnen vor der ftat
0,12364 Durch ru er da nahir trat
0,12365 Vnd wolde da di rue han
0,12366 Nu was gefezzin in madian
0,12367 Ein ediler ewarte do
0,12368 Der was geheizin ietro
0,12369 Sibene tochtir hatte der
0,12370 Di quamen gegangen her
0,12371 Nach ir fite. vnde woldin
0,12372 Trenken alfie foldin
0,12373 Ir vie. daz was ir fite do
0,12374 Nu fie ftunden alfo
0,12375 Bi dem brunnen. da kamen
0,12376 S[t]arke hirten. vnd namen
0,12377 Den iuncvrouwen den brunnin
0,12378 Den fie alda gewunnin
0,12379 Vnd woldin ir vie trenkin e
0,12380 Diz tet den iuncvrouwen we
0,12381 Biz moyfes der gute
0,12382 Gewaldis fie behute
0,12383 Vnd half in wol zu rechte
0,12384 Hin abe fluc er di knechte
0,12385 Di in kamin dar na nie
0,12386 Edaz di meide getrencten hie
0,12387 Di meide widir kertin
0,12388 Mit dankene fie in ertin

0,12389 Zum vatr wart groz ir bete
0,12390 Wan er in diz zu erin tete
0,12391 Daz den vremiden w̃din man
0,12392 Der fie di ere hette geleit an
0,12393 Vnd fchirmete. do er in fach
0,12394 Er dāctem. do daz gefchach
0,12395 Er vurtin mit im heim
0,12396 Vnd wart des mit im in ein
0,12397 Daz im der wille gezeme
0,12398 Daz er finir tochtē neme
0,12399 Eine di hiez fephora
0,12400 Di nam er zu wibe fa
0,12401 Einin fun fi fint gewan
0,12402 Dem edilin gotis dinift man
0,12403 Der selbe wart gerfon genant
0,12404 Dar nach abir fint zu hant
0,12405 Gewan fie finis h̃zin ger
0,12406 Einin fun hiz eligezer
0,12407 Gotis helfe dutit der name
0,12408 Gutliche vnd an alle fchame
0,12409 Liez im fi fwer ietro
0,12410 Gewalt ubir al fin vie do
0,12411 Daz was di grofte richeit
0,12412 Di do iman was bereit
0,12413 Wan hin vnd her waren dilant
0,12414 In ganzim buwe nicht irkant
0,12415 Da uon was vie di richifte habe
0,12416 Do fich beiaite ieman abe
0,23421 Starke rechin fine andin
0,23422 An finen. vnd ir viendin
0,23423 Sodaz man kint. noch wip
0,23424 Behielde lebin. gut vnd lip
0,23425 Namen fie in allen fa
0,23426 Von in wart ouch lebna
0,23427 Vnd lachis zwo ftete zu brochin
0,23428 Diz waren als ich han gefprochi
0,23429 Alliz houbit ftete. vnd eglon
0,23430 Vnd dar zu dabýr vnd ebron
0,23431 Di in der zite iaren
0,23432 Groz. vnd uil mechtic waren
0,23433 In den landen chanaan
0,23434 Nu diz alliz fus was irgan
0,23435 Daz her kerte dannen fa
0,23436 Mit iofue hin in galgala
0,23437 Da fie mit vreuden lagen
0,23438 Vnd nidir lazis da phlagin
0,23439 Bi der gotis heilicheit
0,23440 Als ich da uor han gefeit

0,23441 Als do von afor der kunic iabin
0,23442 Vriefch dife mere uon in
0,23443 Er intfaz der hoen feldin teil
0,23444 Vnd daz ūbir weginde heil
0,23445 Wan mit fulchir manheit
0,23446 Daz gotis her fige irftreit
0,23447 An vumf kunige her
0,23448 Vñ an achte fteten. vñ an wer
0,23449 Di fie in kurzin ftundin
0,23450 Hatten fus uirwundin
0,23451 Nach helfe er ſich befande
0,23452 Von landen zu lande
0,23453 Swaz im der was gelegin
0,23454 Dannen gewan der degin
0,23455 Gekronter kunige groze
0,23456 Vier vnd zweinzic finir genoze
0,23457 Di im brachten mit craft
0,23458 Von der heidinfchaft
0,23459 Vreidigir helde ein her
0,23460 Dri hundirt tufint zu wer
0,23461 Di alle hatten wapen an
0,23462 Vnd vurten mit in dan
0,23463 Dri tufint herwagene
0,23464 Mit ifene wol beflagene
0,23465 Di ir bereitſchaft trugin
0,23466 Bi einim wazzere fie uf flugin
0,23467 Daz was geheizin meroý
0,23468 Dem lagins mit creftin bi
0,23469 Vnd dachtin daz gotis her
0,23470 Virterbin fundir wer
0,23471 Nu was gein in kumen dar
0,23472 Iofue mit al der gotis ſchar
0,23473 Di bevilte fere ir craft
0,23474 Sūmeliche wurden zagehaft
0,23475 Wan fie gienc angift an
0,23476 Wie fie in mochtin widirftan
0,23477 Di angift tet in harte we
0,23478 Do ſprach got zu iofue
0,23479 “In vŭrchte nicht dife ſchar
0,23480 Wis uor in ane angift gar
0,23481 Ich wil dir morgin gebin
0,23482 Ir gezũc. ir gut. ir lebin
0,23483 Vf ir ſelbis ungewin
0,23484 Ir ros di foltu in
0,23485 Heffin. ir wagene in brennen
0,23486 Alreſte wirdiftu irkennen
0,23487 Min helfe vn[d] minen troft”
0,23488 Do wurden fie forgin irloft

0,23489 Do fie daz uirnamen
0,23490 Des andirn tagis kamen
0,23491 Zu ein andir beide her
0,23492 Mit harte manlichir wer
0,23493 Wart irhaben der flrit
0,23494 Daz in uil kurzir zit
0,23495 Vil manigir fin ende do nam
0,23496 Der in hoem mute dar kam
0,23497 Vnd an di groze craft sich lie
0,23498 Di dife künige hie
0,23499 Hattin dar gein in bracht
0,23500 Mit vnzalhaftir macht
0,23501 Got liez den finen
0,23502 Sinen troft mit helfe schinē
0,23503 Wan er fluc di heidinschaft
0,23504 Sodaz fie wurden zagehaft
0,23505 Vnd ifrahel gefigete fundir not
0,23506 Der heidin bleib fo uil tot
0,23507 Daz iz was ane zal
0,23508 Vnd hubin sich zu vluchte al
0,23509 Do fie fus uirzaitin
0,23510 Gotis helde in nach iaitin
0,23511 Vnd flugin ir uil ane wer
0,23512 Sodaz der heidene her
0,23513 Al meist irflagin wart
0,23514 Ir lip was uil ungefpart
0,23515 Wan fie bliben alle tot
0,23516 Ane di di mit grozir not
0,23517 Von in di vlucht gewunnen
0,23518 Vnd in etliche ueste untrunnen
0,23519 Da ir uil lūczel genas
0,23520 Der felbin fo wenic was
0,23521 Daz fie mit unwerde
0,23522 Glichte puluere der erde
0,23523 Des man uil kleine war tut
0,23524 Sie wurden oc irflagen gar
0,23525 Wan in got nicht inruchte
0,23526 Der fie selbe uiruluchte
0,23527 Nu was lange uor gefeit
0,23528 Chananeus kunne mit warheit
0,23529 Daz gotis geheiz hatte benant
0,23530 Ifrahelis kunne. gar ir lant
0,23531 Durch daz machitens in ir riche
0,23532 Vil uestin. gar werliche
0,23533 Vnd haten di fere wol bewart
0,23534 Abir nach der uz uart
0,23535 Sint di ifrahelische diet
0,23536 Von egypten lande schiet

0,23537 Vnd in ir kumft wart irkant
0,23538 So hattens lange uor ir lant
0,23539 Geueftint. daz chein man
0,23540 In iz hette gewonnen an
0,23541 Wandaz iz got also wolde
0,23542 Vn uon im wefin folde
0,23543 Daz fin geheiz blibe war
0,23544 Daz er in vor vil manic iar
0,23545 Dicke vn ofte hete geta
0,23546 Als ich uch uor gefeit han
0,23547 Des muhte in manige stunt
0,23548 Vil arbeit werdin kunt
0,23549 Durch ir funde uil werliche
0,23550 E. fie befezin di riche
0,23551 Vnd e in wurde undirtan
0,23552 Di lant in chanaan
0,23553 Nu greif der gotis man
0,23554 San di nehftin lant an
0,23555 Mit der ifrahelifchin fchar
0,23556 Vn uirwufin di gar
0,23557 Di in ir teile foldin wefin
0,23558 Da liezins nieman genefin
0,23559 Er were iunc. cranc. odir alt
0,23560 Biz fie uil gar inir gewalt
0,23561 Gewunnen gewaldecliche
0,23562 Ir geheizene riche
0,23563 Als in got da uor gehiez
0,23564 Vnd uil heiden drumbe uirftiez
0,23565 Di kint. wip. lip. vnd lebin
0,23566 Muftin dar umbe gebin
0,23567 Daz gotis geheiz wurde war
0,23568 Nu was daz vumfte iar
0,23569 Kumen dar binne hate so vil
0,23570 Vnd gewonnen in dem zil
0,23571 Gutis vnd richir habe
0,23572 Di fie den uiendin abe
0,23573 Brachin. vnd fi vurten dan
0,23574 Do fich ir kric stillin began
0,23575 Vnd fie nicht widirfaczis me
0,23576 Vundin do vur iofue
0,23577 Mit der ifrahelifchin diet
0,23578 Vnd fich der kric befchiet
0,23579 Heim. vnd machite do
0,23580 Blibens heimute in fylo
0,23581 Wan di ftat dem riche
0,23582 Nach wunfche wunfchliche
0,23583 In zu nidirlage was gelegin
0,23584 Al dar vurte der gotis degin

0,23585 Gotis arkin vnd liez fie da
 0,23586 Di was da uor in galgala
 0,23587 Di felbin vumf iar gewefin
 0,23588 Als ich uirwar han gelefin
 0,23589 Dit allir var vur er do
 0,23590 In fichem von fylo
 0,23591 Vnd machite do einin altir gote
 0,23592 Vf ebal. nach der e gebote
 0,23593 Brachte da der faldin riche
 0,23594 Sin opphir uil reinecliche
 0,23595 Mit warer innecheite da
 0,23596 Vnd fcreib uf dem altere fa
 0,23597 Daz buch uon gotis e
 0,23598 Dar nach in beiter nicht me
 0,23599 Erne teilte an den ziten
 0,23600 Ewartin vnd leuiten
 0,23601 Vffe ebal dem berge vor im
 0,23602 Vnd uffte dem berge garizim
 0,23603 Da fie den fegin foldin gebin
 0,23604 Vbir der falde unde ir lebin
 0,23605 Di dife gotis e behieldin
 0,23606 Vnd ubir di fie uirfchieldin
 0,23607 Ouch den vluch als in der e
 0,23608 Gebotin was von moyfe
 0,23609 Da uor. daz vol vurter do
 0,23610 Da na kerter gein fylo
 0,23611 Vnd lech dem kunne von iuda
 0,23612 Gein fudirt als daz gebirge fa
 0,23613 Di ein floz waren der riche
 0,23614 Di hatten fie kunczliche
 0,23615 Gewunnen bi den tagen
 0,23616 Als wir horen di warheit *fagen*
 0,23617 *DI gebirge westirthalb von im*
 0,23618 *Nam daz künne uon effraym*
 0,23619 *Vnd hattin da mite uil warliche*
 0,23620 *Di floz der kunicriche*
 0,23621 *Zwischin den zwein künnen fa*
 0,23622 *Hiez er sich nidir lazen da*
 0,23623 *Daz halb künne uon manaffe*
 0,23624 *Daz andir teil was uon moyse*
 0,23625 *Vor des behufit in basan*
 0,23626 *An dife geflechte wolder lan*
 0,23627 *Di hoiftin vesten. vnd daz lant*
 0,23628 *Wan fie ie werliche hant*
 0,23629 *Trugin mit vestim müte*
 0,23630 *Ouch irkante an in der gute*
 0,23631 *Daz fie uil hoer waren gar*
 0,23632 *Vnd werdir dan di andir schar*

0,23633 *Vnd daz iz got also wolde*
 0,23634 *Daz iudas uor uz nemin folde*
 0,23635 *Gewaldecliche unde schone*
 0,23636 *Ir sceptir. vnd di crone*
 0,23637 *Vnd sin künne folde ir phlegin*
 0,23638 *Als iacob in gab den segin*
 0,23639 *Yosebis kindin nach im*
 0,23640 *Manaffes vnd effraym*
 0,23641 *Daz di ouch foldin tragin*
 0,23642 *Di crone zu etlichin tagin*
 0,23643 *In ifrahel mit gewalt*
 0,23644 *Iofue der mere degin balt*
 0,23645 *Was uon effraym geborn*
 0,23646 *Uon der gewalt wart er irkorn*
 0,23647 *Durch di vruntliche site*
 0,23648 *Daz sin geslechte behielde mite*
 0,23649 *Durch der selbin liebe craft*
 0,23650 *Vñ an geborne sippeschaft*
 0,23651 *Gab der gotis degin iofue*
 0,23652 *Dem geslechte vurbaz me*
 0,23653 *Dan im beschiede rechtir teil*
 0,23654 *Vnd des lozis wariz seil*
 0,23655 *Er gab im sichem zu hant*
 0,23656 *Wan der gotis liebir wigant*
 0,23657 *Iacob iosebe irn vatir liez*
 0,23658 *Def erbis er sie nicht uirstiez*
 0,23659 *Ern machitiz in undirtan*
 0,23660 *Vnd hiez siez vorn andirn han*
 0,23661 *Vnd beficzen mit werdecheit*
 0,23662 *Von in wart ouch geleit*
 0,23663 *Vnd begrabin iosebis gebeine*
 0,23664 *Daz heilige daz reine*
 0,23665 *Daz uon egýpte di schar*
 0,23666 *Hatten mit in gevurt dar*
 0,23667 *Als ich da uor ouch saite*
 0,23668 *Caleph der unvirzaite*
 0,23669 *Vnd den da uor mit iofue*
 0,23670 *Hatte der wise moyses e*
 0,23671 *Vz der wustene gefant*
 0,23672 *Durch uirsphebene daz lant*
 0,23673 *Daz sie foldin befizzin sit*
 0,23674 *Vnd iz ouch taten bi der zit*
 0,23675 *Als uns di schrift uiriach*
 0,23676 *Der gienc zu iofue vnd sprach*
 0,23677 *“Weistu gefelle daz uon mir*
 0,23678 *Got selbe sprach unde uon dir*
 0,23679 *Do wir her waren kumen*
 0,23680 *Durch spehin vñ hatten genume*

- 0,23681 *Des landis war. wie got sprach*
 0,23682 *Do unse widirvart gefchach*
 0,23683 *An swelchche stat wir tretin*
 0,23684 *Daz wir di selbin hetin*
 0,23685 *Eiginliche des ist uirwar*
 0,23686 *Hute vumf vnd zweinzic iar*
 0,23687 *Vnd wir in der spebe enach*
 0,23688 *Sabin. vnd moyses an der stat*
 0,23689 *Sprach der degin uil balt*
 0,23690 *“Nu bin ich vumf vñ achzic iar alt*
 0,23691 *Vnd mac noch als wol als do*
 0,23692 *Daz gefchach vnd irgienc alfo*
 0,23693 *Hie soltu nu gedenkin an”*
 0,23694 *Do gab im iosue san*
 0,23695 *Der werde gotis degin*
 0,23696 *Gotis. vnd ouch finen segin*
 0,23697 *Vnd gab im ebron zu hant*
 0,23698 *Zu rechtim erbe da di lant*
 0,23699 *Vnd ouch di kunicriche*
 0,23700 *Bliben ganz vnd vrideliche*
 0,23701 *Mit rue ane urlouge gar*
 0,23702 *Sodaz sich nieman mit in war*
 0,23703 *Mit urlouge bi den tagin*
 0,23704 *Wan sie waren meist irslagin*
 0,23705 *Gein den sie mustin uorchte hā*
 0,23706 *Vmbe di in chanaan*
 0,23707 *Zu sich besante zu sich do*
 0,23708 *Iosue daz lut. zu sich alfo*
 0,23709 *Vnd sprach zuzin. “ich bin nu alt*
 0,23710 *Gein ab gendir zit gestalt*
 0,23711 *Mit dūnkit gut. daz wir di lant*
 0,23712 *Di uns got zerbe hat benant*
 0,23713 *Mit glichin teilin. teilin gar”*
 0,23714 *Di rede behaite wol der schar*
 0,23715 *Als in der wise man riet*
 0,23716 *Do nam er uor al der diet*
 0,23717 *Vz ieslichim geslechte dan*
 0,23718 *Dri wol bescheidene man*
 0,23719 *Vnd hiez den teil befehin*
 0,23720 *Geleginheit der lande spehin*
 0,23721 *Wie sie di teilin woldin*
 0,23722 *Den. di teil habin soldin*
 0,23723 *Vnd schuf zebin man zu in*
 0,23724 *An den man wiseheit vnd sin*
 0,23725 *Genczliche hate irkant*
 0,23726 *Wie man teilin mochte di lant*
 0,23727 *Vnd bat sie innecliche*
 0,23728 *Daz sie in teiltin di riche*

- 0,23729 *Rechte nach der lande genucht*
0,23730 *Vnd nach ir berindir vrucht*
0,23731 *Vnd nach ir gelegenheite*
0,23732 *Nicht nach der lande breite*
0,23733 *Hiez sie der gotis wigant*
0,23734 *Gliche teilin in di lant*
0,23735 *Vnd di teil uor beschriben*
0,23736 *Als sie immir folden bliben*
0,23737 *DI botin vuren zu hant*
0,23738 *Vnd befabin ebine di lant*
0,23739 *Vnd schribin di gelegenheit*
0,23740 *Ie nach des nucztes undirfcheit*
0,23741 *Was des minnern teilis genucht*
0,23742 *In bezzir ueizte mit vrucht*
0,23743 *Danne der merir teil irkant*
0,23744 *Den machiten sie zu hant*
0,23745 *Dem merrem teile glich*
0,23746 *Vnd durch die süze ebin rich*
0,23747 *Vnd des ein lant hatte gnuc*
0,23748 *Ob des daz andir mangil truc*
0,23749 *Dar zu gein wart zu hant geleit*
0,23750 *Nuczis ein gliche richeit*
0,23751 *Sus teiltin sie uil gliche*
0,23752 *Di teil der kunicriche*
0,23753 *Sodaz di teil gliche bliben*
0,23754 *Di teil sie ouch uor beschriben*
0,23755 *Vnd daz kunne dem iedlich lant*
0,23756 *Mit finem teile was benant*
0,23757 *Vnd brachtin di brive widir*
0,23758 *Vbir fibin mande fidir*
0,23759 *Kamens zu iosue in sylo*
0,23760 *Vnd wisten im di brieft do*
0,23761 *Den erstin teil den man las*
0,23762 *Nam daz künne von iudas*
0,23763 *Symeon den andirn nam*
0,23764 *Der dritte teil zu teile kam*
0,23765 *Dem geslechte benyamin*
0,23766 *Der selbe teil was undir in*
0,23767 *Der engiste mit fuzir craft*
0,23768 *Daz lant veizte wol berhaft*
0,23769 *Von ierusalem biz zu ieriche*
0,23770 *Geviel im mit teile also*
0,23771 *Den vierdin teil nam effraym*
0,23772 *Als uor was bescheidin im*
0,23773 *Vnd lange benennit e*
0,23774 *Daz halb künne manasse*
0,23775 *Nam den vumften teil gar*
0,23776 *Vnd den sechstin ysachar*

0,23777 *Den sibinden der lande hie*
 0,23778 *Zabulon mit loze vntphie*
 0,23779 *Afer den achten teil befaz*
 0,23780 *Als im daz loz zu teile maz*
 0,23781 *Neptalim der nûnde wart*
 0,23782 *Zuteile uf dirre vart*
 0,23783 *Der zehinde teil wart vndirtan*
 0,23784 *Dem geflechte von dan*
 0,23785 *Drittehalbim geflechte was*
 0,23786 *Wordin ir teil. als ich las*
 0,23787 *Ruben. gad. vnd manaffes*
 0,23788 *Als in hatte gewifet moyses*
 0,23789 *Vnd gemacht uor vndirtan*
 0,23790 *Amorrea. vnd basan*
 0,23791 *Vnd galaad di lant*
 0,23792 *Di waren in vor uz benant*
 0,23793 *Ierusalem ouch kûmen was*
 0,23794 *In den teil den iudas*
 0,23795 *Hatte vnd befaz mit craft*
 0,23796 *Dar inne di heidinschaft*
 0,23797 *Saz mit werlichim mute gar*
 0,23798 *Vnd iebuſeus ouch gebar*
 0,23799 *Der in von erſte den urhab*
 0,23800 *Vnd ſtift mit namen gab*
 0,23801 *Diene mochte in langen tagen*
 0,23802 *Iudas danne nicht uiriagen*
 0,23803 *Doch wart nach im ſin lant*
 0,23804 *Vnd ſin teil iudea genant*
 0,23805 *Chaleph der werde gute man*
 0,23806 *Ebron zu ſinem teile gewan*
 0,23807 *Vnd ioſue nam im zu teile da*
 0,23808 *Vnd ſinem kunne thannata*
 0,23809 *Da uor im vnd e. ſinen ziten*
 0,23810 *Ouch wurden den leuiten*
 0,23811 *Achzen ſtete e wordin*
 0,23812 *Vnd waren nach ir ordin*
 0,23813 *Vndir ſie zu teilit her vnd dar*
 0,23814 *In der andirn geflechte ſchar*
 0,23815 *Als in mit gotis undirſcheit*
 0,23816 *Moyſes ir teil hatte uf geleit*
 0,23817 *Nu giengin ioſebis kint*
 0,23818 *Di uch ofte genennit ſint*
 0,23819 *Zu ioſue dem vurſtin do*
 0,23820 *Vnd ſprachin zuzim alſo*
 0,23821 *“Noch mere teile ſundir liſt*
 0,23822 *In weiſtu nicht daz unfir iſt*
 0,23823 *Vil me dan iemans ſi*
 0,23824 *Vnd uil crefte uns iſt bi*

- 0,23825 *Swa man uns varn sicht*
0,23826 *Vnd haft uns doch des erbis nicht*
0,23827 *Defte me gegeben. durch daz*
0,23828 *Noch mit geteilte vurbaz*
0,23829 *Wan als oc einir kunneschaft*
0,23830 *Vnd wir doch lute. wer craft*
0,23831 *Vnd vil geslechtis habin me”*
0,23832 *Mit zuchtin sprach do iosue*
0,23833 *“Ich weiz daz uwir her*
0,23834 *Hat lute uil. craft vnd wer*
0,23835 *Weltir den teil nicht stete han*
0,23836 *Der uch zu teile ist hie uirlan*
0,23837 *So fult ir mit uwirrn scharn*
0,23838 *In daz edele gebirge varn*
0,23839 *Dannen mac uwir vrechte hant*
0,23840 *Sere witen vwir lant*
0,23841 *Vnd gewinnen richte vil*
0,23842 *Vbir der lande gemerke zil*
0,23843 *Di uch gotis geheiz hat benant*
0,23844 *Vnd zu erbin nu drin gefant*
0,23845 *Daz mugit ir wol uol bringen*
0,23846 *Welt irs mit creftin twingen”*
0,23847 *Alfus zu teiltin sie di lant*
0,23848 *Di in got selbe hatte benant*
0,23849 *Vnd twungen sie vndir sich*
0,23850 *Mit creftin allir tegelich*
0,23851 *Sodaz gar dientin ir hant*
0,23852 *Beide burge stete vnd lant*
0,23853 *Chaleph vur mit den finen fa*
0,23854 *In ebron vnd vant ouch da*
0,23855 *Der rifen kunnes von enach*
0,23856 *Dri groze rifen nicht zu swach*
0,23857 *Die uil luten vugetin not*
0,23858 *Di belagen von im tot*
0,23859 *Al ir stete er in abe gewan*
0,23860 *Der edele gotis man*
0,23861 *Intwelte nicht vurbaz*
0,23862 *Eine groze stat er befaz*
0,23863 *Di han ich uch genennit e*
0,23864 *Wan di betwanc iosue*
0,23865 *Als ir wol habit uirnumen*
0,23866 *Di was nu widir kumen*
0,23867 *Vnd mit gebuwe gevestit so*
0,23868 *Daz sie dachtin daz sie iman do*
0,23869 *Nach den selbin geziten*
0,23870 *Mit sturme mochte irfriten*
0,23871 *So ueste was sie nu irkant*
0,23872 *Do lobite der gotis wigant*

- 0,23873 *Zu gebene fine thochtir ja*
 0,23874 *Di was gebeizin axa*
 0,23875 *Vnd di stat einim man*
 0,23876 *Swer sich daz torfte nemin an*
 0,23877 *Daz ers nach manlichem fite*
 0,23878 *Irsturmete. vnd irstrite*
 0,23879 *Nu was mit im kumen dar*
 0,23880 *An daz gefecze in finir schar*
 0,23881 *Othoniel ein warer helt*
 0,23882 *An tûginden gar uz irwelt*
 0,23883 *Der da mit grozir manheit*
 0,23884 *Mit den finen di selbe irstreit*
 0,23885 *Sodaz der ellins riche man*
 0,23886 *Mit sturme di stat gewan*
 0,23887 *Vnd di irgab sich im ja*
 0,23888 *Chaleph zu folde gab im da*
 0,23889 *Axam fine thochtir als ich sprach*
 0,23890 *Nach kurzin ziten man fach*
 0,23891 *Den felbin ellinthaftin degin*
 0,23892 *Mit craft gewaldecliche phlegin*
 0,23893 *Der ifrahelifschin schar*
 0,23894 *Vnd richte fie ettelich iar*
 0,23895 *Als uch her na wirdit kunt*
 0,23896 *Alle dife zit vnd dife ftunt*
 0,23897 *Hatten betwungen fere*
 0,23898 *Ie vûrbaz. vnd mere*
 0,23899 *Ifrahelis kint mit craft*
 0,23900 *Vndir sich di heidinschaft*
 0,23901 *Bizdaz fie sich allir uorchten*
 0,23902 *Machtin ledic vnd vntworchten*
 0,23903 *Vnd ir erbe lant befazin*
 0,23904 *Ir teil mit teilin uz mazin*
 0,23905 *Als ouch gotis ordin wolde*
 0,23906 *Vnd ir ieclichim werdin folde*
 0,23907 *Mit funderim teile alhie*
 0,23908 *Als iz ouch fint alliz irgie*
 0,23909 *IN difen ziten was uirwar*
 0,23910 *Kumen daz uierzende iar*
 0,23911 *Daz fie sich zu teiltin gar*
 0,23912 *In ir lant. dirre her. ienir dar*
 0,23913 *Ieclich in fin bescheidin lant*
 0,23914 *Daz im mit loze was benant*
 0,23915 *Von gote als ich uch faite e*
 0,23916 *Nu befante zu sich iofue*
 0,23917 *Die drittehalbe kûnnis fchar*
 0,23918 *Vnd als di vor in kamen dar*
 0,23919 *Er sprach zu in. "ir hat getan*
 0,23920 *Vnd daz ftete ie noch gelan*

0,23921 Ruben. gad. vnd manaffes
0,23922 Als uch hiez moyfes
0,23923 Vnd uon gote gebot." fie faitin "ia"
0,23924 Iofue sprach zuzin abir fa
0,23925 "Sint got ru vnd femftiz lebin
0,23926 Vwirn brudirn hat gegeben
0,23927 So vart heim in uwir lant
0,23928 Gotis e fit immir gemant
0,23929 Vnd da bi daz ir hütit gotis
0,23930 Sit vliezic finis gebotis
0,23931 Kerit uch nicht an vremide gote
0,23932 Daz ir in uolgit uz gotis gebote
0,23933 Wan nu leidir zu keinir vrift
0,23934 Gotis gezelt noch arke bi uch ift
0,23935 Vnd lûczel iman der uch mane
0,23936 Von dem hoiftin gote. dar ane
0,23937 Denkit. daz ir uon im icht kerit
0,23938 Got hat uch uil wol gemerit
0,23939 Mit gewinne uwir habe
0,23940 Dar an fult ir nicht brechin abe
0,23941 Uwirn brüdirn den gewin
0,23942 Irne teiltin gliche mit in"
0,23943 Da mit vuren fie zu hant
0,23944 Vnd befazin gern ir lant
0,23945 Daz fie mit teile was an kumen
0,23946 Als ir da uor habit uirnumen
0,23947 Vnd buwetin vrideliche daz
0,23948 Kürzlich fidir vnd vurbaz
0,23949 Wolden fie nach der e gebote
0,23950 Lebin. vnd machtin fa gote
0,23951 Einin altir als daz gefchach
0,23952 Vnd do man den bereitit fach
0,23953 Do was er fo groz vnd fo hoch
0,23954 Daz er fich mit beidin zoch
0,23955 Verre uz gewonlichim fite
0,23956 Hie woldin fie irzeigin mite
0,23957 Daz got is[t] got. ouch brachtī fie
0,23958 Gote uil grozlich opphir hie
0,23959 Als do was fite in gotis e
0,23960 Do der gotis degin iofue
0,23961 Von in gevriefch di mere
0,23962 Daz fie fo groz den altere
0,23963 Vnd fo wit gemachtit hetin
0,23964 Vnd wie fie lebten vñ wie fie teti
0,23965 Vil groze uorchte ers gewan
0,23966 Sie hetinz in dem mute getan
0,23967 Daz fie druffe opphirn wolden
0,23968 Andirs dan fie folden

0,23969 Vnd wolden got ubir horin
 0,23970 Virterbin vnd zu storin
 0,23971 Wolders hier umbe gar
 0,23972 Doch fanter botin dar
 0,23973 Finees vnd uon den fcharn
 0,23974 Der hoiften zehine di irvarn
 0,23975 Solden in dife felbin mere
 0,23976 Warvmbez gefchen were
 0,23977 Als di botin kamen hin
 0,23978 Sie vragetins. vnd faitin zin
 0,23979 Waz fie hie mit meintin
 0,23980 Daz fien daz irfcheintin
 0,23981 Sie beduchte an difen fachin
 0,23982 Sie woldin ir e fwachin
 0,23983 Vnd ubirhoric fin gote
 0,23984 Vnd nicht haldin di gebote
 0,23985 Di uns *got hat* uirlan
 0,23986 “Ir hat widir gehorfam getan”
 0,23987 Dife fprachin gemeinliche do
 0,23988 “Nein wir nicht iz ift nicht fo
 0,23989 Wir vorchtin daz uwir kint
 0,23990 Di nach uch noch kumftic fint
 0,23991 Zu unfirn her nach durch gerich
 0,23992 Sprechin uil lichte fo fie fich
 0,23993 Mit vremede fchiedin. “wer fit ir
 0,23994 Odir wannen. waz habe wir
 0,23995 Mit uch zu tunde.” widir got
 0,23996 Getate wirz nie. uz finem gebot
 0,23997 Wolde wir uil vngerne kumen
 0,23998 Diz ift als ir habit uirnumen
 0,23999 Gar ane valsch vnd gewere
 0,24000 Des fie got unfir richtere
 0,24001 Vnd ein ewic urkunde daz wir
 0,24002 Nicht andirs dan als ir
 0,24003 Nach warem gotlichim rechte
 0,24004 Gotis dienifthaftin knechte
 0,24005 Sin. vnd immir gerne gehorsa”
 0,24006 Vnd als daz finees uirnam
 0,24007 Er wart uil innecliche vro
 0,24008 Hie mite kertin fie widir do
 0,24009 Vnd kundetin dort dife mere
 0,24010 Wie in gantwurtit were
 0,24011 Des vreute fich di fchar
 0,24012 Vnd lobtens got uon hzin gar
 0,24013 Nu alrefte ubir alle dife iar
 0,24014 Was dirre wunfch wurdē war
 0,24015 Den nach der fintvlute noe
 0,24016 Wunfchte finen kindin e

0,24017 Eiginliche was *cb[a]naan*
 0,24018 Seme nu wurdin vndirtan
 0,24019 Als im fin wunfch do geriet
 0,24020 Wan di ifrahelif*ch*[e] diet
 0,24021 Was uon sem*is* künne kumen
 0,24022 Vnd ir urhab an im genumen
 0,24023 Von di befazin fie nu urolische
 0,24024 Di felbin zehin kunicriche
 0,24025 Di waren uon chanaan
 0,24026 Von den ich e gefait han
 0,24027 Alfus rach vn*fir* h*re*got
 0,24028 An chanaane. chamis f*pot*
 0,24029 Den er an finem uatir noe
 0,24030 Virdiente. als ich f*prach* e
 0,24031 Mit unvrüntlichir unzucht
 0,24032 Me dan uf di zehinde vrucht
 0,24033 Ouch hatte got abrahamen
 0,24034 Vnd finis kunnis famen
 0,24035 Vrolische gefazt in di lant
 0,24036 Als in fin geheiz hate benant
 0,24037 S*I*dir ubir etteliche zit
 0,24038 Als di f*chrift* urkunde uns git
 0,24039 Befante io*fue* al di f*char*
 0,24040 In f*ichem* zu f*ich* gar
 0,24041 Also f*prach* er zu dem lute
 0,24042 “Ich fol. vnd werde varn h*ute*
 0,24043 Den wec. den alliz lebin vert
 0,24044 Dem vleifchlich lebin ift befchert
 0,24045 Vnd weiz” f*prach* der degin gut
 0,24046 “Vch alfo lichtlichin gem*ut*
 0,24047 Daz ir f*chiere* vnd drate gotis
 0,24048 Vch bewegit vnd finis gebotis
 0,24049 Als ich uon uch gefcheidin bin
 0,24050 Ir habit fo wandilberin fin
 0,24051 Nu muz ich uch legin vur
 0,24052 Ir tut licht uwir willekur
 0,24053 Daz ir uon gote uch f*cheidit*
 0,24054 Vnd uch dar zu gote leidit
 0,24055 Dem ir zu dienifte zemit
 0,24056 Vnd andir gote uch nemit
 0,24057 Als uwir uordern tatin
 0,24058 Vnd fie vur got an batin
 0,24059 Ich meine in mefopotamia
 0,24060 Vnd mangin endin andirfwa
 0,24061 Odir welt lichte zu gote han
 0,24062 Dem amorre undirtan
 0,24063 Waren. hie uil manige zit
 0,24064 Der lande ir nu gewaldic fit

0,24065 Vnd befezzin habit ir gut
0,24066 Swaz ir an difen dingen tut
0,24067 Allir gernift. daz tut ir
0,24068 Ich vnd di fint mit mir
0,24069 Wellin durch keine gefchicht
0,24070 Vomme hoiftin gote fcheidin nicht”
0,24071 DO sprach gemeinliche gar
0,24072 Als uz einim munde di fchar
0,24073 “Wir wellin immir mit fteticheit
0,24074 Gote mit dienifte fin bereit
0,24075 Got in welle daz daz gefche
0,24076 Daz man uns uon im fe
0,24077 Scheidin. nu. her nach. odir fit”
0,24078 Iofue sprach zuzin an der zit
0,24079 “Sol des got uwir urkunde fin
0,24080 Vnd ein gezûc uwir vnd min
0,24081 Mit wernder ftete daz ir
0,24082 Gote nach einis herzin gir
0,24083 Zume hoiften gote hat irkorn
0,24084 Vnd mit gelûbede im gefworn
0,24085 Sichirheit.” fie sprachin “ia
0,24086 Des fi wir gotis gezüge fa
0,24087 Daz wirz immir ftete han”
0,24088 Do diz alfo was irgan
0,24089 Sie kertin gemeinliche do
0,24090 Mit iofue hin gein fylo
0,24091 Vnd beftetin da di fichirheit
0,24092 Als dort was uon in uf geleit
0,24093 Dem hoiften gote immir me
0,24094 Do nam der degin iofue
0,24095 Ein wazzir vnd goz daz hin
0,24096 Vf di erde al da vor in
0,24097 Mit dem finne als er fpreche
0,24098 Swer dife fichirheit breche
0,24099 Di man gote da fwûre
0,24100 Daz der alfo zu vûre
0,24101 Mit alle fime gefinde
0,24102 Hufe. vihe wibe kinde
0,24103 Als daz wazzir was zu varn
0,24104 Alfo wart gote uon al den fcharn
0,24105 Gefworn. vnd mit eide uf geleit
0,24106 Ein immir wernde fichirheit
0,24107 Vnd di ftete werte immir mer
0,24108 Sundir wankils umbeker
0,24109 Als ir daz uolk da wart in ein
0,24110 Def hiez uf richtin einin ftein
0,24111 Iofue der gotis wigant
0,24112 Daz da bi were irkant

0,24113 Ein warzeichin der ficherheit
0,24114 Alfo di da was uf geleit
0,24115 Dife gefchicht vnd al dife wort
0,24116 Von angenge biz anz ort
0,24117 Schreib do der degin iofue
0,24118 An daz buch der gotis e
0,24119 Zu einir ewigin gehugede dar
0,24120 Vrloub nam do al di fchar
0,24121 Ieclich wart des in ein
0,24122 Daz er kerte widir heim
0,24123 Do di ficherheit gefchach
0,24124 Ane vrlougis vngemach
0,24125 Hatten fie nu femftiz lebin
0,24126 Got hatte in nu rue gegeben
0,24127 Daz fie ane arbeite vmbeiage
0,24128 Waren. uil manige tage
0,24129 Kürzlich dar na fit
0,24130 Kam di ftunde vnd di zit
0,24131 Daz der uil reine iofue
0,24132 Ein fchilt. ein dach der gotis e
0,24133 Voit der ifrahelifchin diet
0,24134 Von dirre brodin werlde fchiet
0,24135 Der ie nach gotis erin warb
0,24136 Nach gemeinem fiten er ftarb
0,24137 Vnd vur zu finen genozen
0,24138 Gotis irweltin den grozen
0,24139 In der zit do der degin balt
0,24140 Was hundirt vnd zehin iar alt
0,24141 Vnd als er zu moyfe kam
0,24142 Alrefte. vnd er an fich nam
0,24143 Der im phlichte gab vñ gewalt
0,24144 Do er was zwenzic iar alt
0,24145 Er dientim gutlich uirwar
0,24146 In der wüftin vierzic iar
0,24147 Vnd der fchar hatte der degin
0,24148 Sabin vnd zwenzic iar gephegin
0,24149 Edaz er nu gelege tot
0,24150 Als menfchlich recht gebot
0,24151 Vil fere wart er geklait
0,24152 Der helt vil unvirzait
0,24153 Wart begrabin vil herliche fa
0,24154 In finir ftat thannata
0,24155 Di lac bi monte effraym
0,24156 Di mit erbe was wordin im
0,24157 Der gotis ewart eleazar
0,24158 Der obirfte ubir al di fchar
0,24159 Starb kurzlich dar na fit
0,24160 San ubir uil unlange zit

0,24161 Der wart begrabin in gabaa
0,24162 Nach im kos daz uolc fa
0,24163 Finees der uon im geborn
0,24164 Was. den ich ũch hie beuorn
0,24165 Ofte unde dicke han genant
0,24166 Wan der felbe wigant
0,24167 Was zu rechte fo uol kumen
0,24168 Daz er wart genumen
0,24169 Zu des amachtis werdicheit
0,24170 Als uon gote was uf geleit
0,24171 Der in zu der herschaft nam
0,24172 Di do niemane bat gezam
0,24173 Als iz got hatte uor gedacht
0,24174 Vnd fin künne an in bracht
0,24175 Von angeborner fippecraft
0,24176 Von art mit erbefchaft
0,24177 Hier undir muz ich ouch fagin
0,24178 Wer bi den felbin tagin
0,24179 Vbir der heidene hoe lant
0,24180 Di hoiftin kunige waren genant
0,24181 Pandion truc do fchone
0,24182 Zu attene des landis crone
0,24183 Vnd was gewaldic kunic da
0,24184 Prognos. vnd phylomena
0,24185 Waren fine tochtere genant
0,24186 Von den tut di fabele irkant
0,24187 Wundirlichir mere gnuc
0,24188 In den ziten ouch crone truc
0,24189 Belochus in dem lande affiria
0,24190 Mit dem riffende ouch da
0,24191 Sin tochtir ubir daz lant
0,24192 Di was di fchone rofe genant
0,24193 Des ift di fabele min wer
0,24194 Der minne gerndir iupiter
0,24195 Minnete in den felbin tagin
0,24196 So hore wir di fabel fagin
0,24197 Ein vrouwe fchone vnd wert ir=kant
0,24198 Di was europa genant
0,24199 Di wante fundir fspot
0,24200 Er were ein werdir got
0,24201 Dar umbe fie in minnen liez
0,24202 Ein kunic fenix ir uatir hiez
0,24203 Dem wart fie do genūmen
0,24204 Man fach di uon crite kumen
0,24205 Mit eime fchiffe ubir mer
0,24206 Di mamen fie da ane wer
0,24207 Xanckus gewan fie fint widir
0,24208 Vnd vurtens zu lande fidir

0,24209 Vnd gewan bi ir mýnoem
0,24210 Radamanten vnd farpidonem
0,24211 Von den kundit uns daz mere
0,24212 Daz iupiter ir uatir were
0,24213 Durch daz iach di heidinschaft
0,24214 Im mit valfche gotlichir craft
0,24215 Wan sie zu crichen ir zit
0,24216 Taten manic wundir sit
0,24217 Chatinus ein creftir wifir degī
0,24218 Sach man zu thebe crone tragī
0,24219 Do diz geschach als ich saite e
0,24220 Er hatte ein tochtir hiez femele
0,24221 Di selbe sint zu fune gewan
0,24222 Einen wifen werdin man
0,24223 Der was genant dionifius
0,24224 Der frigien vatir hiez bachus
0,24225 Der sidir wundirs uil
0,24226 Tet zu crichin sine zil
0,24227 Chatinus den ich han genant
0,24228 Vnd fenix ein stolcz wigant
0,24229 Von thebe vuren do mit her
0,24230 Vnd befazin mit starkir wer
0,24231 In einir infelin hiez zirta
0,24232 Von dan betwungen sie sa
0,24233 Thýre. vnd fýdonie di lant
0,24234 Daz sie dientin sint ir hant
0,24235 Anphýon vnd einir hiez zetis
0,24236 Vnd der vil wif lýnus
0,24237 Vbetin bi der selbin vrift
0,24238 Künftlichen muscam di list
0,24239 Vnd waren dran uolkumen
0,24240 Bi den ziten uz genumen
0,24241 Swaz uon dyanen was gefeit
0,24242 An den fabelin mit warheit
0,24243 Von der ein degin uz irkorn
0,24244 Perfeus sint wart geboren
0,24245 Vnd geschach bi den geziten sin
0,24246 Beide lant stat zu chorinthin
0,24247 Wurden bi den geziten do
0,24248 Gestiftit uon listpho
0,24249 Fenix mit creftin stifte sa
0,24250 Daz lant zu bithýnia
0,24251 Di starke ueste tharfus
0,24252 Vn[d] di creftige paphus
0,24253 Wurdin beide gestiftit do
0,24254 Diz geschach vñ irgienc also
0,24255 [I]N ficionie sach man tagin
0,24256 Crone zu den selbin tagin

0,24257 Einin heidenifchin wigant
0,24258 Lamedon was er genant
0,24259 Zu den arguwen do kunic was
0,24260 Ein hoer kunic hiez arbas
0,24261 Nu do diz alliz fus irgie
0,24262 Als ich han gesprochen e
0,24263 Vnd daz der degin iofue
0,24264 Was tot. als ich ouch faite e
0,24265 Vnd der ewarte eleazar
0,24266 Di ifrahelifche fchar
0,24267 Was gar ane wifere worden
0,24268 Vnd an der lere gotis orden
0,24269 Kundin sich uirrichtin nicht
0,24270 Durch di felbe gefchicht
0,24271 Baten fie uon al den fcharn
0,24272 Finees in gein gote irvarn
0,24273 Wen er in nu vugen wolde
0,24274 Daz er in vor wefin folde
0,24275 Mit rate mit lere mit craft
0,24276 Gein chanaan der heidinfchaft
0,24277 Di gein in faz mit wer do
0,24278 Got vndirwifete fie alfo
0,24279 Daz daz geflechte uon iudas
0,24280 Vnd daz uon im geborn was
0,24281 Solde ir leiter nu wefin
0,24282 Nu habich warlich nicht gelesin
0,24283 Ob iz were daz künne gar
0,24284 Odir ein man uz der fchar
0,24285 Doch iehint fūmeliche
0,24286 Daz der edile faldin riche
0,24287 Chaleph der wife gotis degin
0,24288 Des hers got felbe hieze phlegin
0,24289 Der des felbin kunnis was
0,24290 Daz mechtige künne uon iudas
0,24291 Zu fyneonis kunne sprach
0,24292 Daz man ouch ftark mehtic fach
0,24293 “Kere in unfir teil zu mir
0,24294 Vnd hilf mir ich helfe dir”
0,24295 Daz wir an difen geziten
0,24296 Mit chananeo ouch ftriten
0,24297 Den uil creftigin heidin
0,24298 Von den geflechtin beidin
0,24299 Wart ein ficherheit getan
0,24300 Wifliche giengin fiez an
0,24301 Als di fichirheit gefchach
0,24302 Di zwei künne man fach
0,24303 Varn mit grozir herfchaft
0,24304 Vf di uirvluchtin heidinfchaft

0,24305 Di in befech wonende was
0,24306 Sýmeon. vnd der helt iudas
0,24307 Slugen da zehin tufint man
0,24308 Edaz fie fchiedin von dan
0,24309 Vnd viengin in dem ftrite
0,24310 Einin man bi des zite
0,24311 Wart uil wundere irkant
0,24312 Adonibefech was er genant
0,24313 Den fie mit zornlichin fiten
0,24314 An dem libe gar befniten
0,24315 Ich meine hende vnd vûze abe
0,24316 Do er lant lip vnd fin habe
0,24317 Sus iemerlichin uirlos
0,24318 Sûlche fchumpheture kos
0,24319 Da uon fin pris wart uirleit
0,24320 Vnd fin kûniclich werdecheit
0,24321 Vnd zu fulchir fmaheite gedech
0,24322 Do fprach adonibefech
0,24323 “Ich fol. vnd muz von fchuldin
0,24324 Dise fchande. vnd fchadin duldin
0,24325 Di an mir gefchen ift
0,24326 Wan ich ie al mine vrift
0,24327 Den waren got nich[t] wolde
0,24328 Irkennin. als ich doch folde
0,24329 Der himel vnd erde hat
0,24330 Gefchaffin. fin gotlich rat
0,24331 Ift wol irgangen an mir”
0,24332 Finito libro fit laus ⁊ gl̃a x̃po